

楞伽義疏

C40
4514
(30)




C40-457A

了翁上座請大藏及百
家書置試列苦雪山
我微笑塔院唐府中永
為學者不設許出院內
當山二世鐵牛機謹誌



B 64853



楞伽阿跋多羅寶經卷第二義疏上

天竺三藏求那跋陀羅譯經

支那滿益沙門釋智旭疏義

一切佛語心品之二

第五如來藏自性清淨門二初疑問二答釋

初初二初舉佛語三疑同外今初

爾時大慧善薩摩訶薩白佛言世尊世尊修多羅說

如來藏自性清淨轉三十二相入於一切眾生身中

轉二皆作具。如大價寶垢衣所纏。如來之藏常住不
入。二皆作在。

變亦復如是。而陰界入垢衣所纏貪慾患痴不實妄
想塵勞所污。一切諸佛之所演說。疏曰。前明空無生無二離自性相普入諸佛修多
羅中。何故復有修多羅說如來藏常住不變亦是
一切諸佛所演說耶。故問之也。轉入衆生身者。不
變舉體隨緣。如水成水也。常住不變者。隨緣舉體
不變。如水之濕性如故也。陰界入所纏貪慾痴所
汙。此有二意。若卽所纏所汙而性本清淨。纏汙無
性者。圓教意也。若離所纏所汙而清淨始露纏汙

須斷者。別教意也。圓教如湯消冰。別教如鏡去垢。
大方廣如來藏經具此二意。

二疑同外

云何世尊同外道說我言有如來藏耶。世尊。外道亦
說有常作者。離於求那周徧不滅。魏云。不依諸緣。自
然而有。周徧不滅。
○唐云。自
在無滅。世尊。彼說有我。魏云。若如是者。如
來外道說無差別。

疏曰。說空無生無二離自性相。則與外道不同。說
如來藏恐同外道人我法我故難之也。求那此翻
爲依。卽所謂不依諸緣也。夫如來藏性舉體隨緣。

楞伽經疏二之一
二
今云離於求耶。則是別有一物矣。或執我人。或執相續壽命。或執衆緣。或執微塵。或執勝性。或執大自在天。而皆計常是能作者。具如唯識廣破。初疑問竟。

二答釋二。初直明不同。二釋其說意。今初佛告大慧。我說如來藏。不同外道所說之我。

二釋其說意。三。初正明說意。二引譬釋成。三結成利益。今初。

大慧。有時說空無相無願。如實際。法性法身。涅槃離

自性。不生不滅。本來寂靜。自性涅槃。如是等句。說如來藏已。如來應供等。正覺爲斷。愚夫畏無我句。故說離妄想。無所有境界。如來藏門。大慧。未來現在菩薩摩訶薩。不應作我見計著。

疏曰。如來藏第一義心。蕩無一物。故說爲空。非生死涅槃等相。故說無相。無可攀求。故說無願。非諸變動。虛幻境界。故說爲如實際。諸法之本。故名法性。諸法之體。諸法所依。故名法身。無生住滅。故說涅槃。諸法體空。故說爲離自性。非自非他。非共非

離。前際無始故說不生。後際無終故說不滅。無可
宣雜故說本來寂靜。非由擇滅之所尅證。故說自
性涅槃。凡此皆爲對治我法二執而言之也。非斷
無也。而愚夫聞已。妄生恐怖。畏此無我句。故作斷
滅見。故又爲說如來藏門。而此如來藏門。乃是離
妄想無所有境界。不同外道所計之我。是故未來
現在菩薩。不應於此如來藏而作我見計著也。

二引譬釋成

譬如陶家於一泥聚。以人工水木輪繩方便。作種種

器。如來亦復如是。於法無我離一切妄想相。以種種
智慧善巧方便。或說如來藏。或說無我。以是因緣。故
說如來藏。不同外道所說之我。

疏曰。泥聚無性。隨諸方便。作種種器。而種種器無
非泥聚法。無我如來藏離一切妄想相。故亦復無
性。隨諸方便。說種種名。而種種名皆法。無我如來
藏之藏。豈同外道所說之我。或人。或相續。乃至或自
不在等耶。

三結成利益。二初長文。二偈頌。今初

是名說如來藏。開引計我諸外道。故說如來藏。令離不實。我見妄想。入三解脫門境界。希望疾得阿耨多羅三藐三菩提。是故如來應供等正覺。作如是說。如來之藏。若不如是。則同外道。是故大慧。爲離外道見。故當依無我如來之藏。

疏曰。正爲外道妄計人我法我。故說如來藏。以開悟而引導之。令離不實二種我見妄想。令入空無相無願三解脫門。令其卽得無上菩提。若不如是。方便善說。則一向說有一。一向說空。反同於外道矣。

是故應知佛所說如來藏。正是二無我之所顯。而佛所說二無我離妄想境界。乃名爲如來藏耳。

二偈頌

爾時世尊欲重宣此義。而說偈言。人相續陰。緣與微塵。勝自在作。心量妄想。唐云。士夫相續蘊。衆緣及微塵。勝自在作者。此但心分別。

疏曰。此重破外道所計二我。皆惟妄想。分別不同。佛說如來藏也。人卽士夫。相續卽壽命。陰卽衆生。皆是人我執也。緣謂四大虚空及時方等。微塵可知。勝卽真初自性。自在卽大自在。謂彼等爲能

作者體實徧常。皆是法我執也。此人我法我二執皆是妄想分別不達自心現量如來藏也。第五如來藏自性清淨門竟。

第六修行大方便門二。初問。二答。今初。爾時大慧菩薩摩訶薩。觀未來衆生。復請世尊。惟願為說修行無間。魏云。如實修行法。唐云。具修行法。如諸菩薩摩訶薩修行者大方便。

疏曰。前最為離外道見。故當依無我如來之藏。然此如來藏第一義心。具何方便如實修行。乃能無

間趣入。故問之也。

二答三。初標。二釋。三結。今初。佛告大慧。菩薩摩訶薩成就四法。得修行者大方便。

云何為四。謂善分別自心現。唐云。觀察自觀外性。唐云。善知外性。法無性故。離生住滅見。得自覺聖智善樂。魏云。內身證智故。唐云。專求自證聖智故。是名菩薩摩訶薩成就四法。得修行者大方便。

二釋四。初釋善分別自心現。四釋得自覺聖智善樂。今初。佛告大慧。菩薩摩訶薩成就四法。得修行者大方便。

二釋四。初釋善分別自心現。四釋得自覺聖智善樂。今初。佛告大慧。菩薩摩訶薩成就四法。得修行者大方便。

云何菩薩摩訶薩善分別自心現。謂如是觀三界唯

心分齊。

唐云謂觀三界唯是自心

離我我所。無動搖。離去來。無始

虛偽習氣所熏。

三界種種色行繫縛

唐云名身財建言繫縛

立。妄想隨入現。

唐云身資所住。分別隨入之所顯現

是名菩薩摩訶薩

善分別自心現。

疏曰。此卽唯心識觀也。三界諸法皆由自心分別

而有。非我亦非我所。法無自體故無動搖。心滅法

滅。故無所從去。心生法生。故無所從來。但是無始

虛偽習氣所熏。妄被三界色行名言之所繫縛。而

若根身若資財。若所住器界。不過皆妄想隨入之

所顯現。設非能緣之心。何有所緣之境哉。此且觀

於三界由分別現。指第六識以爲唯心。尚未明言

藏識所變。正屬通教體空觀門。

二釋善觀外性非性。

云何菩薩摩訶薩善觀外性非性。謂猒夢等一切性。

唐云謂觀察一切法。如陽暎。如夢境。如毛輪。

無始虛偽妄想習因。

唐云無始戲論

種種執著虛妄惡習爲其因故

觀一切性自性。菩薩摩訶薩作如是

善觀外性非性。是名菩薩摩訶薩善觀外性非性。

疏曰。三界諸法。既唯心現。則如陽燄。夢境等。實非外境。明矣。豈有性哉。此亦體空觀門也。

三釋善離生住滅見

云何菩薩摩訶薩善離生住滅見。謂如幻夢一切性。

自他俱性不生。唐云。觀一切法。如幻夢。隨入自心。分生。自他及俱皆不生。故。

齊故。唐云。隨自心。見外性非性。唐云。見外。見識不生。量之所現。故。

及緣不積聚。唐云。見諸識不起。物無有故。見妄想緣生於三界。故。及衆緣無積聚。故。

唐云。分別因。緣起三界。故。內外一切法不可得。見離自性。唐云。如若內若外一切諸法。皆不可得。知無實體。生見悉滅。知如幻等諸法自性。

唐云。遠離生見。證如幻性。得無生法忍。得無生法忍已。離生住滅見。是名菩薩摩訶薩善分別離生住滅見。

疏曰。既觀三界皆唯心現。心外無性。則一切法生同於夢幻。實本不生。不自生。不他生。不共生。不無

因生也。又雖云心生法生。而心識亦本不生。以所藉衆緣亦無性。故無積聚。故是則三界唯是妄想

緣起。而內外法。何有自性之可得哉。所以生見悉滅。證得無生法忍也。

四釋得自覺聖智善樂又二。初正釋。二轉釋。

今初

云何菩薩摩訶薩得自覺聖智善樂。謂得無生法忍。住第八菩薩地。得離心意意識五法。自性二無我相。得意生身。

疏曰。第八菩薩地者。指三乘共十地中。菩薩所證第八支佛地也。正使斷盡兼侵習氣。故名無生法忍。不墮心意意識虛妄分別。故名爲離。旣離虛妄分別。則於五法三自性二無我相亦無取著。便能從空入假。得意生身也。

二轉釋

世尊。意生身者。何因緣。佛告大慧。意生身者。譬如意去。迅疾無礙。故名意生。譬如意去。石壁無礙。於彼異方。無量由延。因先所見。憶念不忘。自心流注。不絕於身。無障礙生。唐云。譬如心意。於無量百千由旬之外。彼非是其身及山河石壁所能爲礙。大慧。如。是。意。生。身。得。一。時。俱。菩。薩。摩。訶。薩。意。生。身。如。幻。三。昧。力。自。在。神。通。妙。相。莊。嚴。聖。種。類。身。一。時。俱。生。猶。如。意。生。無。有。障。礙。隨。所。意。念。本。願。境。界。爲。成。就。衆。生。得。自。覺。聖。智。善。樂。如。是。菩。薩。摩。

訶薩得無生法忍住第八菩薩地轉捨心意意識五
法自性二無我相身及得意生身得自覺聖智善樂
疏曰。意生身者。據後分別。共有三種。今指第三種
類俱生無行作意生身也。蓋通教菩薩觀空而不
住空。從空入假。得見相似中道不空之體。故能受
別圓接。或入別向。或入圓信。捨分段身。得意生身。
堪證中道聖智善樂也。二釋竟。

三結

是名菩薩摩訶薩成就四法。得修行者大方便。當如

是學

疏曰。體空巧觀大乘初門。能到圓住自覺聖智境
界。故名修行大方便也。第六門竟。

第七諸法緣因門二。初問。二答。今初

爾時大慧菩薩摩訶薩復請世尊。唯願爲說一切諸

法緣因之相。二皆云。因緣相。以覺緣因相故。我及諸菩薩離

一切性有無妄見。無妄想見。漸次俱生。唐云。不妄執。諸法漸生頓

生。

疏曰。前已具明心外無法。今但請問唯心之緣因

相也。達此唯心正因緣相。則知一切諸法非有非無。既非有無。則不墮漸生頓生之妄執矣。

二荅二。初長文。二偈頌。初中二。初荅緣因相。二破漸頓生。初又二。初總明二緣。二別明六因。此中但以展轉由藉名之爲緣。力能辦果名之爲因。不同唯識因親緣疎之義也。初又二。

初總標二名。二別釋二義。今初。

佛告大慧。一切法二種緣相。謂外及內。

疏曰。前已廣明一切唯心。心外無法。今云外緣及

內緣者。非謂心外及心內也。祇就唯心所現一切法中。約彼凡情所共見聞名之爲外。凡情所不覺知名之爲內耳。

二別釋二義。初釋外緣。二釋內緣。今初。

外緣者。謂泥團柱輪繩水木人工諸方便緣。有瓶生如泥餅。縷壘草席種芽酪酥等。方便緣生。亦復如是。是名外緣。前後轉生。

疏曰。泥團非瓶。而以柱輪繩水等緣。則有瓶生。若約喻說。則泥團非瓶。而可作瓶。可譬如來藏心本。

非十界而能隨染淨緣具造十界。是名爲因。柱輪繩水等緣。可譬煩惱智慧漏無漏業。是名爲緣。雖有瓶生而瓶之四微仍是泥之四微。可譬十界隨緣不變當體唯是如來藏心。心外無法不生不滅也。若就法說。則心中無始本具瓶之名言習氣種子爲因。心中所現泥團輪柱等相分現行。及作意心所等見分現行爲緣。故於現前一念心中。見有瓶生。而此瓶者不異夢中所見諸物。不異瞽目所見空花。還是自識所變色香味觸。心外無法不生

不滅也。如自心所現之泥。由自心所現方便似有自心所現瓶生。而實無生。則自心所現之縷。以自心方便而成疊。自心所現之草。以自心方便而成席。自心所現之種。以自心方便而生芽。自心所現之酪。以自心方便而成酥。諸如此類。一一不離現前心識。但以凡情所共見聞名外緣也。

二釋內緣

云何內緣。謂無明愛業等法得緣名。從彼生陰界入法得緣所起名。彼無差別而愚夫妄想。是名內緣法。

疏曰。十二緣生其相微細。已非凡外之所能知。緣生無性。全妄卽真。尤非二乘之所能悟。故名內緣。依此內緣。方有外緣。外緣祇就相分之中。一分不執受者言耳。無明愛業等法得緣名者。所謂無明與行爲能引二支。愛取及有爲能生三支也。從彼生陰界入法得緣所起名者。所謂識名色六入觸受爲所引五支。生及老死爲所生二支也。彼無差別者。如來藏第一義心。舉體而爲惑業苦三。三皆無性。當體卽是如來藏心。心外無法也。而愚夫妄

想者。凡外則妄計。從有種無種生。聲聞則妄計。因果實法。唯求捨離也。初總明二緣竟。

二別明六因二初標二釋 今初

大慧。彼因者有六種。謂當有因。相續因。相因。作因。顯示因。待因。

疏曰。彼因有六種者。卽指內外二緣之中。分別能招果之因。相有此六種差別。皆非心外法也。

二釋

當有因者。作因已。內外法生。

魏云。作因已。能生內外法。

疏曰。作無明業因。能生未來識等生。老死果。譬如
植種於地。能生芽莖及穀麥也。此是現行熏種子
義。

相續因者。作攀緣已。內外法生。陰種子等。

疏曰。由第八識受熏持種。令法種子相續不滅。譬

如地為穀種所依。漸次生長也。此是種引種及種

生現義。

相因者。作無間相相續生。

魏云。能生相續次第作事而不斷絕。唐云。作無間

相生相續果。

疏曰。由諸境相。令能緣識相續生起。即所緣緣及
等無間緣也。

作因者。作增上事。如轉輪王。

魏云。能作增上因。如轉輪王。唐云。能作因者

謂作增上而生於果。如轉輪王。

疏曰。由增上緣。能作生住成得等事。譬如轉輪王

力。能令世間成辦諸事也。

顯示因者。妄想事。生已相現。作所作。如燈照色等。

唐云。

顯了因者。謂分別生。能顯境相。如燈照物。

疏曰。此即心王心所之見分。各為自相分境之增

上緣也

待因者滅時作相續斷不妄想性生

魏云相待因者於滅時不見虛

妄生法相續事斷絕故○唐云觀待因者謂滅時相續斷無妄想生

疏曰由前五因能令自心虛妄法生。生則有滅能

令自心妄想斷絕對生說滅故名爲待因也。初答

緣因相竟

二破漸俱生三。初總破。二別破。三結破。今初

大慧彼自妄想相愚夫不漸次生不俱生

魏云如是諸法凡夫

自心虛妄分別大慧是諸法非次第生非一時生○唐云此是愚夫自所分別非漸次生亦非頓生

疏曰此明上文所言二緣六因皆是妄心分別其

實心外無法。法本無生不可妄計或漸或俱也

二別破二。初破俱生。二破漸次生。今初

所以者何。若復俱生者。作所作無分別不得因相故

魏云若一切法一時生者因果不可差別。以不見因果身相故。○唐云若頓生者則作與所作無有差別

求其因相不可得故

疏曰。設使諸法非唯心現而是心外因緣生者。若

因與果一時俱生。則果與因相難分別。以二相同

時頓現不可表示誰因誰果故也

二破漸次生

若漸次生者不得相我故。唐云求其體相亦不可得。漸次生不生。

如不生子無父名。唐云如未生子云何名父。

疏曰。若心外因緣漸次生心外果因果不同時者。譬如未生子時不得名父。未生果時云何名因。

大慧漸次生相續方便不然。但妄想耳。因攀緣次第

增上緣等生所生故。大慧漸次生不生。妄想自性計

著相故。魏云愚痴凡夫自心觀察次第相續不相應。故作如是言。因緣次第緣緣緣增上緣等能

生諸法。大慧如是次第諸法不生。唐云諸計度人言。以因緣所緣緣無間緣增上緣等所生能生互相

繫屬次第生者。理不得成。皆是妄情執著相故。

疏曰。此明四緣漸生諸法。但是妄想計著之相。而

生本不生也。因者親因緣也。攀緣者所緣緣也。次

第者等無間緣也。增上緣如常可知。問曰。瑜伽唯

識。盛明四緣生一切法。今云皆是妄想計著何耶。

答曰。迷一真心舉體而為五位百法。於百法中假

說色心種子名為因緣。假說相分為所緣緣。假說

見分前念現行為等無間緣。假說色心諸法互相

為增上緣。其實五位百法並皆無性。故唯識論云。

爲遣妄執心心所外實有境故說唯有識若執唯
識真實有者如執外境亦是法執又云如前所說
識差別相依理世俗非真勝義真勝義中心言絕
故如伽陀說心意識八種俗故相有別真故相無
別相所相無故夫心意識尚無別相况四緣而有
實體相耶故知瑜伽唯識與此經同是一切佛語
心也二別破竟

三結破

漸次俱不生自心現受用故魏云自心中現身及資
生故○唐云但有心現

身資等故自相共相外性非性唐云外自共
相皆無性故大慧漸次俱

不生除自心現不覺妄想故相生魏云但虛妄識生
自心見故○唐云

唯除識起是故因緣作事方便相當離漸次俱見魏
云

汝當應離不正見因緣生事次第一時生法○
唐云是故應離因緣所作和合相中漸頓生見

疏曰根身器界皆自心現譬如夢境本非有生如
何妄想分別或漸或俱生耶瑜伽唯識且依衆生
自心所現方便分別自相共相及十因四緣五果
或俱不俱以破心外我法二執然後遣相證性結
成勝義今經直顯勝義不惟外性非性當知自心

所現皆如幻夢不可謂其實有漸次及俱生也初

長文竟

二偈頌

爾時世尊欲重宣此義而說偈言一切都無生亦無

因緣滅

魏云因緣無不生故不滅

於彼生滅中而起因緣想

唐云

於彼諸緣中分別生滅相

非遮滅復生相續因緣起唯為斷凡愚

痴惑妄想緣

唐云非遮諸緣會如是滅復生但止於凡愚妄情之所著

有無緣起

法

唐云緣中法有無

是悉無有生習氣所迷轉從是二有現

唐作生有現

真實無生緣

唐云本來無有生

亦復無有滅觀一切

有為

唐作有無

猶如虛空華攝受及所攝捨離惑亂見

唐云

離能取所取一切迷惑見

非已生當生

唐云無能生所生

亦復無因緣一

切無所有斯皆是言說

唐云但隨世俗故而說有生滅

疏曰心外無法故因緣生法即是無生以無生故

亦無滅也當知因緣亦唯是心生滅亦唯是心衆

生於唯心生滅之中而計因緣或於唯心因緣之

中而計生滅不知因緣生滅悉皆無性故佛破之

然遮撥唯心之生滅因緣唯為斷除凡愚之執著

妄情耳譬如瞽目妄見空花不可謂實有不可謂

定無今非遮其華相生滅唯爲斷其妄生執著也。若知能取所取已生當生能生所生。一唯心。一無性。則隨世俗說有生滅亦何礙哉。第七諸法緣因門竟。

第八言說妄想門三。初請問。二許宣。三正說。

今初

爾時大慧菩薩摩訶薩復白佛言。世尊。惟願爲說言

說妄想相心經。

魏云。名分別言語相心法門。唐云。言說分別相心法門。

世尊。我

及餘菩薩摩訶薩若善知言說妄想相心經則能通

達言說所說二種義疾得阿耨多羅三藐三菩提。以

言說所說二種趣淨一切衆生。

疏曰。前明一切皆是言說。而言說妄想必有其相。又能說所說二義。必須通達方可自覺覺他。故問之也。

二許說

佛告大慧。諦聽諦聽。善思念之。當爲汝說。大慧。白佛言。善哉。世尊。唯然受教。

三正說三。初正明四種相。一明所現境界。三辨

第一義 今初

佛告大慧。有四種言說妄想。唐作分別。相。謂相言說。夢言

說。過妄想計著言說。魏云。妄執言說。唐云。計著過惡言說。無始妄想。

言說。魏云。無始言說。相言說者。從自妄想色相計著生。魏云。執著

色等諸相而生。唐云。執著自分別色相生。夢言說者。先所經境界。隨憶

念生。從覺已境界無性生。唐云。謂夢先所經境界。覺已憶念。依不實境生。過

妄想計著言說者。先怨所作業隨憶念生。魏云。念本所聞所作

業生。唐云。憶念怨讐先所作業生。無始妄想言說者。無始虛偽計著

過自種習氣生。魏云。從無始來執著戲論煩惱種子。熏習而生。唐云。以無始戲論妄執

習氣生 是名四種言說妄想相

疏曰。言說妄想雖多。以四種收之。無不盡也。

二明所現境界。二初辨言說生。二辨異不異。

今初

爾時大慧菩薩摩訶薩。復以此義勸請世尊。惟願更

說言說妄想所現境界。世尊何處何故。云何何因。眾

生妄想言說生。魏云。唯願為我重說四種虛妄執著

何因出。唐云。願更為說言語分佛告大慧。頭胸喉

鼻舌唇齶齒和合出音聲。

疏曰。何故卽何因。故二譯止有三句也。頭胸喉等。是答其何處出。和合出是答其云何出。不答何因者。因唯妄想易知故也。

二辨異不異

大慧白佛言。世尊。言說妄想爲異爲不異。佛告大慧。

言說妄想非異非不異。所以者何。謂彼因生相故。魏云。

因彼虛妄法相生言語故。唐云。分別爲因。起言語故。大慧。若言說妄想異者。

妄想不應是因。若不異者。語不顯義而有顯示。魏云。

言語能了前境。是故非異非不異。

疏曰。言說旣因妄想故。須辨異不異也。若云異者。妄想不應爲言說因。今旣爲言說因。故非異也。若不異者。言說不應顯示境界義。今旣能有顯示。故非不異也。二明所現境界竟。

二辨第一義二。初問。二答。一今初。

大慧復白佛言。世尊。爲言說卽是第一義。爲所說者是第一義。

疏曰。因上文云語有顯示。故問言說卽第一義耶。

抑所說者乃是第一義耶。

二答又二。初長文。二偈頌。今初。

佛告大慧。非言說是第一義。亦非所說是第一義。

疏曰。言說但是名句文身。故非卽第一義所說唯

於諸法共相而轉。未能親得法之自相。如說第一義諦。則於意識之上。變現第一義之影像。以爲所

說。亦非卽是第一義也。譬如說火。火字固無熱性。心中知所詮者是能燒性。而亦未嘗卽熱也。

所以者何。謂第一義聖樂。言說所入是第一義。非言

說是第一義。唐云。第一義者是聖樂。因言而入。非卽是言。第一義者。聖智

自覺所得。

唐云。是聖智內自證境。

非言說妄想覺境界。

唐云。非言語分

別智

是故言說妄想不顯示第一義。言說者。生滅動

搖。展轉因緣起。若展轉因緣起者。彼不顯示第一義。

大慧。自他相無性。故言說相不顯示第一義。

唐云。第一義者。

無自他相。言語有相。不能顯示。

復次大慧。隨入自心現量。故種種相

外性非性。唐云。第一義者。但唯自心種種外性。悉皆無有。言說妄想不顯示

第一義。是故大慧。當離言說諸妄想相。

疏曰。言說所入不惟非言說。亦復非所說。如親觸

火時。不惟非火字。亦非意中所緣之火相也。是故

言說所說總不出於妄想以由妄想而起言說復
由言說起所說相生滅動搖有自他相何能顯示
第一義耶唯是隨順證入自心現量則心外無法
言說卽非言說所說卽非所說如譬盡時無花可
滅故名離耳初長文竟

二偈頌

爾時世尊欲重宣此義而說偈言諸性唐作無自性
亦復無言說甚深空空義愚夫不能了魏云空及與
能如○唐云不見空一切性自性言說法如影唐云
空義愚夫故流轉

法無性離言語分別諸有如夢化非生死涅槃又有
偈云如王及長者爲令諸子喜先示相似物後示真
實者我今亦復然先說相似法○魏亦有自覺聖智子實際我所說唐云
爲其演自證實際法○魏云爲諸佛子喜後說明實際

疏曰甚深空空義者既空生死亦空涅槃二邊俱
空卽是中道不空正體所以凡外二乘皆名爲愚
不能了達此實際也非真佛子何能因言證入不
滯言說及所說哉第八言說妄想門竟

第九離四句門三初請問二許宣三正說

初

楞伽義疏卷之二
爾時大慧菩薩摩訶薩復白佛言。世尊。惟願爲說離
一異俱不俱有無非有非無常無常。一切外道所不
行。自覺聖智所行。離妄想自相共相。入於第一眞實
之義。諸地相續漸次上上增進清淨之相。隨入如來
地相無開發本願。譬如衆色摩尼境界無邊相行。唐
以無功用本願力故。如如
意實普現一切無邊境界。自心現趣部分之相。一切
諸法。唐云。一切諸法。皆我及餘菩薩摩訶薩。離如是
等妄想自性自共相見。疾得阿耨多羅三藐三菩提。
令一切衆生。一切安樂具足。充滿。

疏曰。言四句者。謂不達自心現量。心外無法。妄想
分別諸法。各有自相共相。或言定一。或言定異。或
言亦一亦異。各之爲俱。或言非一非異。各爲不俱。
此是一種四句。又或言有。或言無。或言亦有亦無。
或言非有非無。復是一種四句。又或言常。或言無
常。或言亦常亦無常。或言非常非無常。復是一種
四句也。若離此種種四句。則一切外道所不行。惟
是自覺聖智所行。以了達心外無法實無自相共
相可得。故得入於第一眞實之義。從歡喜地。至如

來地。自覺已圓。能以本願覺他無盡也。

佛告大慧。善哉善哉。汝能問我如是之義。多所安樂。多所饒益。哀愍一切諸天世人。佛告大慧。諦聽諦聽。善思念之。吾當爲汝分別解說。大慧。白佛言。善哉世尊。唯然受教。

三正說二。初破外計。二申正法。初中二。初長文。二偈頌。初又三。初總明邪計所起。二別說十二譬喻。三結勸應離心。今初。

佛告大慧。不知心量愚痴凡夫。取內外性。依於一異。俱不俱有。無非有非。無常無常。自性習因。計著妄想。魏云。愚痴凡夫不能覺知。唯自心見。執著外諸種種法。相以爲實。有是故虛妄。分別一異。俱不俱有。無非有非。無常無常。因自心熏習。依虛妄分別心。故云。凡夫無智。不知心量。妄習爲因。執著外物。分別一異。俱不俱有。無非有無。常無常等。一切自性。

疏曰。此總明凡外邪計。由於不達唯心也。

二別說十二譬喻。又分爲二。初有七譬。譬凡外。

妄計。二有五譬。譬依佛法起計。今初。

譬如羣鹿。爲渴所逼。見春時燄。魏作熱陽燄。唐作熱時燄。而作水。

想迷亂馳趣不知非水。如是愚夫無始虛偽妄想所熏習。三毒燒心。樂色境界。見生住滅。取內外性。墮於一異俱不俱有無非有非無常無常想。妄見攝受。

疏曰。初羣鹿逐餒譬。譬三毒取境而起邪計也。

如乾闥婆城。凡愚無智而起城想。無始習氣計著相

現。彼非有城非無城。

唐云。非城非非城。無智之人。無始時來執著城種。妄習熏故。而

作城想。如是外道無始虛偽習氣計著。依於一異俱不

俱有無非有非無常無常見。不能了知自心現量。

疏曰。二計著乾城譬。譬妄習取不實境也。海氣所

現不可登臨。故非有城。令起城想。故非無城。

譬如有人夢見男女象馬車步城邑園林山河浴池

種種莊嚴。自身入中。覺已憶念。大慧於意云。何如是

士夫。於前所夢憶念不捨。爲點慧不。大慧白佛言。不

也。世尊。佛告大慧。如是凡夫惡見所墮。外道智慧不

知如夢自心現性。依於一異俱不俱有無非有非無

常無常見。因果具足善惡本聚。常觀因緣未法當聚。

疏曰。三追憶夢境譬。譬不達依正皆唯心也。

譬如畫像不高不下。而彼凡愚作高下想。如是未來

外道惡見習氣充滿依於一異俱不俱有無非有非

無常無常見於唐作自壞壞他餘離有無無生之論亦

說言無謗因果見拔善根本壞清淨因勝求者當遠

離去唐云欲求勝法當速遠離作如是說彼墮自他俱見有無妄

想已墮建立誹謗以是惡見當墮地獄亦墮

疏曰四畫像有無譬譬斷常邪見也正法念處經

具明心為畫師畫作六道種種五陰是六道皆如

畫像本無實法而彼反計為有高下起四句執至

於出世聖人不復畫作六道五陰乃離有無無生

之論而彼不能見故反說為無夫說六道實有如

計畫像高下墮建立常見也說出世無生為無如

不見畫并說畫師紙筆膠色皆無墮誹謗斷見也

譬如瞽目見有垂髮二作毛輪謂眾人言汝等觀此魏云為他

說言如是如是青黃赤白汝何不觀而是垂髮畢竟非性非無性見不

見故如是外道妄見希望依於一異俱不俱有無非

有非無常無常見誹謗正法自陷陷他常無常

疏曰五瞽見垂髮譬譬邪執不達性空也餘人不

見故非性瞽者妄見故非無性三界依正亦復如

是。聖眼了知本空。凡愚計爲實有也。

譬如火輪非輪。愚夫輪想非有智者。如是外道惡見。希望依於一異。俱不俱有。無非有非。無常無常想。一

切性生。疏曰。六火輪非輪。譬相似相續法中。凡外妄計

爲常爲一。不知諸法念念滅也。

譬如水泡。似摩尼珠。二皆作 愚小無智作摩尼想。計

著追逐。而彼水泡非摩尼。非非摩尼。取不取故。如是

外道惡見妄想習氣所熏。於無所有說有生。魏云說非有法

依因緣生。唐云。復有說言。實有法云。說非有爲生。緣有者言滅。魏云。復有說言。實有法云。唐云。壞於緣有。

疏曰。七水泡似珠譬。譬外道取不實法。起生滅執

也。世間戒定慧法。不能出離生死。如水泡無摩尼

用。智者不取故。非摩尼。愚小計著故。非非摩尼。當

其有本非有。而彼妄說有生。逮取之而不可得。又

復妄言有滅。豈知水性無生滅哉。初有七譬。譬凡

外妄計竟。二有五譬。譬依佛法起計。又二。初正顯俗諦。是

隨情說。二以五譬譬其非實。初又二。初斥世

情。二以五譬譬其非實。初又二。初斥世

間因明不應攝取。二顯隨情俗諦是化佛說也。

今初

復次大慧有三種量五分論各建立已。

魏云彼諸外道建立三種

量五分論

得聖智自覺離二自性事而作有性妄想計著

唐云立三種量已於聖智內證離二自性法起有性分別

大慧心意意識身心轉

變。自心現攝所攝諸妄想斷。如來地自覺聖智修行

者不於彼作性非性想。

唐云諸修行者轉心意識能所取住如來地自證聖法

於有及無不起於想若復修行者如是境界性非性攝取想生

者彼即取長養及取我人。唐云若於境界起有無執則著我人衆生壽者

疏曰。三種量者現量比量聖言量也。五分論者宗

因喻合結也。宗因喻亦各三支比量合結不過成

之而已。然三量五分本是佛說。而魏譯直云外道

建立。宋唐二譯雖不直云外道。觀其文意亦是有

性妄想計著之。由當知法無邪正。邪正在人。佛本

以三量五分破有無執。若依之更執有無則佛法

亦成外道也。離二自性事者。遠離偏計及依他執

即圓成實之體性也。此圓成實性離有無非能所

取。若執有無便能所。則有法相及我相矣。

二顯隨情俗諦是化佛說

大慧若說彼性自性自共相。一切皆是化佛所說。非
法佛說。又諸言說悉由愚夫希望見生。不爲別建立

趣自性法得聖智自覺三昧樂住者分別顯示。唐云一切

諸法自相共相是化佛說。非法佛說。化佛說法。但順愚夫所起之見。不爲顯示自證聖智三昧樂境。

疏曰。諸阿含經亦說諸法自相共相。以破愚夫虛
妄我執。蓋彼既不能達唯心境界。故亦不能卽於
化身而見法身也。初正顯俗諦是隨情說竟。

二以五譬譬其非實

譬如水中。有樹影現。彼非影。非非影。非樹形。非非樹
形。如是外道見習所熏妄想計著。依於一異俱不俱
有無非有非無常無常想。而不能知自心現量。

疏曰。自心如水。諸法如影。水外無影。故非影。水中
顯現。故非非影。撈不可得。故非樹形。宛然是樹。故
非非樹形。當知自心現量。本非有無。不應計著也。

譬如明鏡隨緣顯現一切色像。而無妄想。唐云。譬如

分別隨順眾緣。現諸色像。彼非像。非非像。而見像。非像。魏云。有緣得見。無緣

不見。故妄想愚夫而作像想。魏云。自心分如是外道惡

見。自心像現妄想計著。依於一異俱不俱有無非有非無常無常見。

疏曰。自心如鏡。諸法如像。對緣顯現而非有離緣不現而非無。外道不達。妄作有無計著也。

譬如風水和合出聲。彼非性非非性。魏云。譬如諸響空屋和合而聞。彼所聞響非有非無。何以故。因聲聞聲故。○唐云。譬如各響依於風水人等音聲和合而起。彼非有非無。如是外道惡見妄想。依於一異俱不俱有無非有非無常無常見。

疏曰。諸法如響。緣生無實。非有非無不應計著。計

著則成外道也。

譬如大地無草木。處熱燄川流。洪浪雲湧。唐云。日光

波動。彼非性非非性。貪無貪故。唐云。彼非有非無。照網。燄水以倒想非想故。如是

愚夫。無始虛偽習氣所熏。妄想計著。依生住滅一異

俱不俱有無非有非無常無常。緣自住事門。唐云。無始戲論

惡習所熏。於聖智自證法性門中。亦復如彼熱燄波

浪。

疏曰。光燄本非波浪。無貪倒者。知其非性。有貪倒者。則非非性。愚夫於法性中。妄見生住滅等。亦猶

是也

譬如有人咒術機發以非衆生數毗舍闍鬼方便合
成動搖云爲。魏云。譬如有人依咒術力起於死屍機
闍木人無衆生體依毘舍闍力依巧師
力作去來事。○唐云。譬如木人及以起屍
以毘舍闍機闍力故動搖運轉云爲不絕。凡愚妄想
計著往來。如是外道惡見希望依於一異俱不俱有
無非有非無常無常見戲論計著不實建立

疏曰。死屍木人皆無執受名爲非衆生數。毘舍闍
此云噉精氣鬼。又云顛鬼。機關以運木人。則木人
動搖云爲。顛鬼以合死屍。則死屍動搖云爲。識情

執著四大六根。則四大六根妄有動搖云爲。當知
本與木人死屍無異。不應妄計有衆生也。二別說
十二譬喻竟

三結勸應離

大慧。是故欲得自覺聖智事。當離生住滅一異俱不
俱有無非有非無常無常等惡見妄想。

初長文竟

二偈頌

爾時世尊欲重宣此義而說偈言。幻夢水樹影垂髮

熱時餒。如是觀三有究竟得解脫。唐云。諸識蘊有五。猶如水樹形。所見

如幻夢。不應安分別。三有如陽燄。幻夢及毛輪。若能如是觀。究竟得解脫。譬如渴鹿想。唐作

熱時。動轉迷亂心。鹿想謂為水。而實無水事。如是識

餒。種子動轉見境界。愚夫妄想生。如為翳所翳。唐云。如

見愚夫。生執著。於無始生死計著攝受性。唐云。無始生死如

逆楔出楔。捨離貪攝受。唐云。退捨令出。如幻咒機發

浮雲。夢電光。觀是得解脫。永斷三相續。於彼無有作

猶如餒虛空。唐云。此中無所。有。如空中陽燄。如是知諸法。則為無所

知。言教唯假名。彼亦無有相。於彼起妄想。陰行如垂

髮。唐云。諸蘊如毛輪。於中妄分別。唯假施設。各求相不可得。如畫垂髮。幻夢乾闥

婆城。火輪熱時餒。無而現衆生。唐云。實無。而見有。常無常一

異。俱不俱亦然。無始過相續。愚夫痴妄想。明鏡水淨

眼。摩尼妙寶珠。於中現衆色。而實無所有。一切性顯

現。如畫熱時餒。種種衆色現。如夢無所有。唐云。心識。亦如是。普

現衆色相。如夢空中。餒亦如石女兒。

疏曰。初四句。唐作八句。先頌遠離觀也。次十句。頌

愚夫計著如渴鹿也。次如逆楔等十句。重頌對治

觀也。次言教等十二句。重頌愚夫計著之非也。後

明鏡等八句結顯諸法有卽非有也。初破外計竟

二申正法

復次大慧。如來說法離如是四句。謂一異俱不俱有。無非有非無常無常。離於有無建立誹謗分別。

疏曰。唯心所現諸法故非一。諸法並是唯心。故非異。唯心諸法不相違故。故非亦一亦異。諸法唯心非戲論故。故非非一非異。又諸法唯心。故非有。唯心諸法故非無。不相違故。非亦有亦無。非戲論故。非非有非無。又念念滅。故非常。念念生。故非無常。

不相違故。非亦常亦無常。非戲論故。非非常非無常。不執心外有法。故離建立。不撥唯心諸法。故離誹謗也。

結集真諦緣起道滅解脫。如來說法以是爲首。

唐云諸佛

說法以諦緣起滅道解脫而爲其首。非性非自在非無因非微塵非時非自性相續而爲說法。

唐云非與勝性自在宿作自然時微塵等而共相應

疏曰。真諦謂苦集滅道四聖諦也。緣起謂十二因緣也。道滅者四諦所歸重也。解脫者十二因緣還滅門也。四諦則有生滅無生無量無作之不同而

意顯出世道滅。因緣亦有思議。不思議。生滅不生。滅之不同。而意顯還滅解脫。然世出世間因果。皆不離心。流轉還滅。亦不離心。故非外道勝性等妄計也。無因。即唐譯自然。自性相續。即唐譯宿作。阿含破外道宿作因論。謂現見有人。作善即得善報。為惡即得惡報。何得一向但委於宿作耶。餘如他處廣破。

復次大慧。為淨煩惱。爾後障故。譬如商主。次第建立百八句。無所有。善分別。諸乘及諸地相。唐云。諸佛說法。為淨感智。

二種障故。次第令住。一百八句。無相法中。而善分別。諸乘地相。猶如商主。善導眾人。

疏曰。若不知百八句。皆無所有。則無以淨二障。若不善分別。諸乘及諸地相。亦無以淨二障。今由了達百八句。皆無相故。則有即非有。善分別。諸乘及諸地故。則無即非無。是謂佛正法也。第九離四句門竟。

第十明四種禪門。二。初長文。二。偈頌。又初中二。

初總標。二別釋。今初。諸佛世尊。四聖。

復次大慧。有四種禪。云何為四。謂愚夫所行。觀察。

義禪。攀緣如禪。

魏云念真如禪。唐云攀緣真如禪。

如來禪。

如來禪

疏曰。上云善分別諸乘及諸地相。故遂明四種禪也。初卽世間禪。及藏教事禪。二卽通教及別三賢所修禪。三卽別地所行禪。四卽圓住以上所行禪也。

也。

二別釋

云何愚夫所行禪。謂聲聞緣覺外道修行者。

唐無外道二字。

觀人無我性。自相共相骨鑱無常苦不淨相。

唐云。知人無我。

凡自他身骨鑱相連。計著爲首。如是相不異。觀前後皆是無常苦不淨相。

轉進。稍不除滅。

唐云。如是觀察。堅著不捨。漸次增勝。至無想滅定。魏云。次第上上。乃至

非想滅盡定解脫。

是名愚夫所行禪。

疏曰。觀人無我及骨鑱無常等。本是愚法二乘所修。故唐譯無外道字。然設修至滅定解脫。則是觀練二法。滿足名爲聲聞緣覺。若誤取無想及非想證。則便成外道矣。故宋魏二譯皆有外道二字也。

云何觀察義禪。謂人無我自相共相外道自他俱無。

性已。觀法無我。彼地相義漸次增進。

唐云。謂知自共相人無我已亦

離外道自他俱作於法無我諸地相義隨順觀察。

是名觀察義禪。

疏曰。知人無我。及離外道。自他俱作。所謂諸法不生。亦不從他生。不共。不無因。是故知無生。正是通教。及別十住體空觀門。於法無我。諸地相義。隨順觀察。卽別十行十向。修於相似假觀。及中觀也。云何攀緣如禪。謂妄想二無我妄想。如實處不生妄想。唐云。謂若分別無我有二。是虛妄念。若如實知。彼念不起。是名攀緣如禪。

疏曰。唯識頌云。現前立少物。謂是唯識性。以有所得。故非實住。唯識卽今妄想。二無我妄想之謂也。又頌云。若時於所緣。智都無所得。爾時住唯識。離

二取相故。卽今如實處不生妄想之謂也。此別教通達位也。

云何如來禪。謂入如來地。得自覺聖智。相三種樂住。魏云。入內身聖智。相三種樂行故。成辦衆生不思議事。是名如來

禪。

疏曰。魏云。三空者。卽圓融三解脫門也。生死涅槃二邊中道。不可得。故名空解脫門。此空離一切相。各無相解脫門。此無相者。卽是實相。無有作者。無可願求。名無作解脫門。亦名無願解脫門。入此不

思議三脫門已親證三德秘藏之樂自利利他法
皆具足此圓教發心住已上境界也別教證道同
圓應亦得此而教道別故姑未許之又如來禪須
辦六卽則六根五品亦得此名也問曰如古人云
且喜師兄會如來禪祖師禪未夢見在則祖師禪
應更勝於如來禪耶荅曰乘言者喪滯句者迷汝
欲以古人一時應機之談作實法會何異刻舟求
劍恐香巖大笑汝在初長文竟

二偈頌 酒令破實論不生安隱之信也此偈

楞伽義疏二卷 三

爾時世尊欲重宣此義而說偈言凡夫所行禪觀察
相義禪攀緣如實禪如來清淨禪譬如日月形鉢頭
摩深險如虛空火蓋修行者觀察唐云修行者在定
觀見日月形波頭
摩深險虛
空火及盡如是種種相外道道通禪唐云墮於
外道法亦復
墮聲聞及緣覺境界楞伽經云觀人成醉暗昧來
疏曰此先頌總標及頌愚夫禪之相也鉢頭摩此
翻紅蓮花謂若於禪定中見有神我如日月形或
如紅蓮在深險處則墮外道若於禪定中見苦斷
集歸於虛空如薪盡火滅不受後有則墮二乘也

楞伽義疏二卷上 三

捨離彼一切。則是無所有。唐云捨離此一切。剎諸佛以不思議手。一時摩其頂。隨順入如相。唐云是則能隨入。如

如真實相。十方諸國土所有無量佛悉引光明手而摩是人頂。

疏曰。此頌後三種禪相也。捨離彼一切。卽觀察義

禪。則是無所有。卽攀緣如禪。隨順入如相。卽如來

禪。以此摩訶衍三種禪相對斥二乘及諸外道。所

以各爲方等部也。第十明四種禪門竟。

第十一。般涅槃門二。初問。二答。今初。

爾時大慧菩薩摩訶薩復白佛言。世尊。般涅槃者。說

何等法。謂爲涅槃。

疏曰。前云如來禪者。得自覺聖智三種樂住。夫三

德秘藏常樂我淨。卽是如來大般涅槃。而此涅槃

畢竟是何等法耶。故問之也。

二答爲三。初正明大涅槃義。二兼示二乘及外

道相。三明如來神力建立菩薩。今初。

佛告大慧。一切自性。唐作一切。習氣及藏意意識見。

習轉變名爲涅槃。諸佛及我涅槃。自性空事境界。唐

我及諸佛說名涅槃。卽是諸法性空境界。復次大慧。涅槃者。聖智自覺境

界離斷常妄想性非性

唐云自證聖智所行境界遠離斷常及以有無

云何

非常謂自相共相妄想斷故非常云何非斷謂一切聖去來現在得自覺故非斷大慧涅槃不壞不死若涅槃死者復應受生相續若壞者應墮有爲相是故涅槃離壞離死是故修行者之所歸依復次大慧涅槃非捨非得非斷非常非一義非種種義是名涅槃疏曰一切識自性習氣者卽有支習氣也藏意識見習者卽各言習氣我執習氣也轉變者由無漏智熏令彼妄習無寄也自性空事境界者諸法

無性當體卽是真空實相也此諸法性空境界唯是聖智自覺所行故非斷常及有無也非斷非常經文自釋可知言非有非無者死壞則無受生相續墮有爲相則有今離壞離死故非有無也非捨者諸法性空無可捨故非得者真如無物無可取故非斷非常如前可知非一義者不與多對故非種種義者不墮諸數故又卽一切法故非一離一切相故非種種又是卽非卽故非一離卽離非故非種種也

結歎二力 今初

復次大慧如來以二種神力建立唐云諸佛有二種加持菩薩

摩訶薩頂禮諸佛聽受問義云何二種神力建立謂

三昧正受唐云謂令入三昧為現一切身面言說神力及手

灌頂神力

疏曰一者令初地菩薩入三昧已身語加持為二

神力二者令菩薩滿十地已手灌其頂為二神力

故總名二種神力也

二別釋二力又二初約初地二約十地 今初

大慧菩薩摩訶薩初菩薩地住佛神力所謂入菩薩

大乘照明二作光明三昧入是三昧已十方世界一切諸

佛以神通力為現一切身面言說如金剛藏菩薩摩

訶薩及餘如是相功德成就菩薩摩訶薩唐云及餘成就如是

功德相菩薩者是大慧是名初菩薩地

疏曰此二神力具如華嚴十地品初廣明

二約十地

菩薩摩訶薩得菩薩三昧正受神力於百千劫積習

善根之所成就次第諸地對治所治相通達究竟至

法雲地

唐云集諸善根

諸佛持力入三昧已於百千劫諸地善能通達治所治相至

菩薩摩訶薩眷屬圍繞眾寶瓔珞莊嚴其身如黃金

薝蔔日月光明

唐云身如黃金薝蔔花色如盛滿月放光

諸最勝手從

十方來

唐云十方諸佛舒蓮花手

就大蓮花宮殿座上而灌其頂

譬如自在轉輪聖王及天帝釋太子灌頂是名菩薩

手灌頂神力

疏曰此二神力亦如華嚴第十地中廣明薝蔔此

翻黃花餘可知二別釋二力竟

三結歎二力

大慧是名菩薩摩訶薩二種神力若菩薩摩訶薩住

二種神力面見諸佛如來若不如是則不能見復次

大慧菩薩摩訶薩凡所分別三昧神足諸法之行是

等一切悉住如來二種神力大慧若菩薩摩訶薩離

佛神力能辯說者一切凡夫亦應能說所以者何謂

不住神力故大慧山石樹木及諸樂器城郭宮殿以

如來入城威神力故皆自然出音樂之聲何況有心

者聾盲瘖瘂無量眾苦皆得解脫如來有如是等無

量神力利安衆生

疏曰菩薩必藉如來神力加持方能入定現通說法以佛徹證自心現量知一切法卽心自性得大自在故能以同體法性之力加持菩薩乃至加持山石及宮殿等令演法音加持瞽盲諸苦衆生令得解脫皆是大般涅槃之力用也初正明神力竟

二問荅釋意

大慧菩薩復白佛言世尊以何因緣如來應供等正覺於菩薩摩訶薩住三昧正受時及勝進地灌頂時

加其神力佛告大慧爲離魔業煩惱故及不墮聲聞地禪故爲得如來自覺地故及增進所得法故是故如來應供等正覺咸以神力建立諸菩薩摩訶薩若不以神力建立者則墮外道惡見妄想及諸聲聞衆魔希望不得阿耨多羅三藐三菩提以是故諸佛如來咸以神力攝受諸菩薩摩訶薩爾時世尊欲重宣此義而說偈言神力人中尊大願悉清淨唐云世尊大加三摩提灌頂初地及十地唐云初地十地持九三摩提灌頂初地及十地唐云三昧及灌頂

疏曰意顯神力加持令離二乘涅槃外道計著令

證大涅槃聖智自覺境界故也。第十一、般涅槃門竟。

第十二緣起門二。初難問。二答釋。今初。

爾時大慧菩薩摩訶薩復白佛言。世尊。佛說緣起。卽

是說因緣。不自說道。魏云。如世尊說十二因緣。從因

而生。○唐云。佛說緣起。生果。不說自心妄想分別見力。是由作起。非自體起。世尊。外道亦說因緣。謂勝。自

在時微塵生。如是諸性生。唐云。外道亦說勝性。自然。在時我微塵生於諸法。然

世尊所謂因緣生。諸性言說有間。悉檀。唐云。今佛世尊。但以異名

說作緣起。無間悉檀。唐云。非義有別。世尊。外道亦說有無有生。魏

外道亦說。從於有無而生。諸法。○唐云。外道亦說。以作者故。從無生有。世尊亦說無有

生生已滅。魏云。世尊說言。諸法本無。依因緣生。生已還滅。如世尊所說。無明

緣行乃至老死。此是世尊無因說。非有因說。唐云。此非說有因。世尊建立作如是說。此有故。彼有。非建立漸生。

觀外道說勝。非如來也。所以者何。世尊。外道說因不

從緣生。而有所生。世尊說觀因有事。觀事有因。唐云。世尊

所說。果待於因。因復待因。如是因緣。雜亂。如是展轉無窮。唐云。如是展轉

彼有者。則無有因。

疏曰。此難世尊平日所說十二因緣亦犯種種過

也。謂無明等能生諸法，何異勝性等能生諸法。此但言說不同，而義無不同也。又說無明緣行而無明更無所因，何異外道從無生有。又說十二因緣，此有故彼有，何異外道從有生有。此皆與外道同也。又外道說勝性等因，不從緣生而有所生，則因果不亂。世尊說待因名果，待果名因，則因果襍亂。外道說因不從緣生，則尚可窮詰。世尊說因更復待因，則展轉無窮。此皆不如外道說勝也。

二荅釋二。初正釋因緣無過。二轉破言說無性。

今初

佛告大慧，我非無因說，及因緣襍亂說。此有故彼有。

者。攝所攝非性覺自心現量。唐云：我了諸法唯心所現，無能取所取，說此有

故彼有，非是無因及因緣過失。

疏曰：宋譯是西土文體，以後成前。唐譯是此方文

體。以前生後也。由覺自心現量，則知能攝所攝無

性。故云：此有故彼有。此是唯心因果，非無因也。此

是假立因果，不襍亂也。既非無因，亦非心外有因。

既不襍亂，亦不展轉無窮。既知無性，則本無生亦

非俱生及漸生矣

大慧若攝所攝計著不覺自心現量外境界性非性

彼有如是過非我說緣起唐云若不了諸法唯心所現計有能取及以所取執

著外境若有若無彼有是過非我所說我常說言因緣和合而生諸法

非無因生

疏曰此明不達唯心乃有諸過達唯心者祇約一

心而論因緣既非邪因亦非無因也初正釋因緣

無過竟

二轉破言說無性二初疑問二答釋 今初

大慧復白佛言世尊非言說有性有一切性耶魏云有言說應有諸法唐云世尊若無性者言說不生是故

有言說故必有諸法言說有性有一切性唐云若無諸法言依何起

疏曰佛明諸法唯心所現心外無法故疑若無諸

法不應起諸言說也

二答釋

佛告大慧無性而作言說謂兔角龜毛等世間現言

說大慧非性非非性唐云彼非有非非有但言說耳如汝所

說言說有性有一切性者汝論則壞魏云汝言以有言說應有諸法

說言說有性有一切性者汝論則壞魏云汝言以有言說應有諸法

者。此義 大慧非一切利土。皆 有言說。言說者是作耳。

唐云假 安立耳。或有利土瞻視顯法。或有作相。唐云或 現異相。或有

揚眉。或有動睛。或笑。或欠。唐云 頻呻。或營效。或念利土。或

動搖。大慧如瞻視。魏云無瞬 及香積。魏云衆香 世界

普賢如來國土。但以瞻視令諸菩薩得無生法。忍及

諸勝三昧。是故非言說有性。有一切性。唐云非由言 說而有諸法。

大慧見此世界蚊蚋蟲蟻。是等衆生無有言說。而各

辦事。爾時世尊欲重宣此義。而說偈言。如虛空兔角

及與槃天子。二皆作 石女兒。無而有言說。如是性妄想。因緣

和合法。凡愚起妄想。唐云妄計法如是。因緣 不能如
實知。輪廻三有宅。和合中愚夫妄謂生

疏曰。先明無性而有言說。次明無言而能顯法。及

能辦事。後頌計著言說及計著有諸法者。不如實

知。自心現量。常受輪廻也。言非性非非性者。兔本

無角。故非性。有此言說。故非非性。餘並可知。第十

二緣起門竟

楞伽阿跋多羅寶經卷第二義疏上

楞伽義疏二之上

具

尼照滿 普傳共助資刻印十兩願法界有情同
生淨土成就菩提

楞伽阿跋多羅寶經卷第二義疏下

第十三常聲如幻門二初正明惑亂卽常二委

明惑亂如幻 初中二初問二答 今初

爾時大慧菩薩摩訶薩復白佛言世尊常聲者何事

說魏云世尊說常法依何等法作如是說○唐云世尊所說常聲依何處說

疏曰前明涅槃離斷離常文明緣起非攝所攝則
世出世法皆離曰句矣何故世尊復有時說常住
真心常樂我淨及說十二因緣有佛無佛性相常
住等法畢竟依何事而作是說耶

二荅二。初正明依惑亂說。二申明成凡聖性。

今初

佛告大慧。爲惑亂。

魏云。依迷惑法。我說爲常。○唐云。依妄法說。

以彼惑亂。

諸聖亦現而非顛倒。

魏云。聖人亦見世間迷惑法。非顛倒心。○唐云。以諸妄法。聖人

示現。然不顛倒。

大慧。如春時酸。

二作陽發。

火輪垂髮乾闥婆城。幻

夢鏡像。世間顛倒。

唐云。世無智者。生顛倒解。

非明智也。然非不現。

魏云。有智慧者不生分別。非不見彼迷惑之事。

大慧。彼惑亂者有種種現。非

惑亂作無常。所以者何。謂離性非性故。

唐云。妄法現時。無量差別。然非無常。何以故。離有無故。

大慧。云何離性非性惑亂。謂一切愚

夫種種境界故。

唐云。云何離有無。一切愚夫種種解故。

如彼恒河餓鬼

見不見故。無惑亂性。

唐云。如恒河水有見。不於餘現見。餓鬼不見。不可言有。

故非無性。

唐云。餘所見。故不可言無。

如是惑亂諸聖離顛倒。

唐云。聖於

妄法。離顛倒見。

疏曰。世間惑亂所見妄法。本離有無故。云常也。且

如恒河本非有無。而餓鬼不見。妄計無水。世人見

不之。妄計有水。然餓鬼謂無。既非定無。世人謂有。亦

豈實有哉。聖人離於有無顛倒見已。假使示同餓

鬼。而不執定無。假使示同世人。而不執實有。不執

定無故能使餓鬼甘露充滿。不執實有。故能使世人入水不溺。是謂不爲物轉。便能轉物也。思之。

不顛倒。是故惑亂常。謂相相不壞故。唐云。妄法是常。相不異。故。

慧。非惑亂種種相。唐云。非諸妄法。有差別相。妄想相壞。是故惑亂

常。唐云。以分別故。而有別異。是故妄法。其體是常。大慧云。何惑亂真實。若復

因緣諸聖於此惑亂不起。顛倒覺非不顛倒覺。唐云。何

而得妄法。真實謂諸聖者。於妄法中不起顛倒。非顛倒覺。大慧除諸聖於此惑亂

有少分想。非聖智事相。大慧凡有者。愚夫妄說。非聖

言說。

疏曰。法離有無。是故卽常。且如恒河。不以世人之有壞。餓鬼之無。不以餓鬼之無壞。世人之有。則知

恒河本非有無差別之相。但以餓鬼妄想執無與

世人異。世人妄想執有與餓鬼異。故云妄想相壞

耳。而除卻世人餓鬼二種妄想。則恒河本非有無。

既非有無。豈非常乎。既於恒河不起有無二顛倒

覺。覺知唯是自心現量。心外無河。非不并覺。世人

餓鬼之顛倒覺。而自實無顛倒覺也。上句順宋譯。是約照俗下

句順唐譯。是約證真。設於恒河有少分四句妄想未盡。卽非

聖智事相。但是愚夫戲論妄說耳。若少分妄想不生。則恒河便是自心。現量豈非真實。但舉恒河一喻。例一切法。無不皆爾。初正明依惑亂說竟。

二申明成凡聖性。二初正示聖凡分別。二結成性。卽真如。今初。

彼惑亂者。倒不倒妄想起。二種種性。唐云。若分別妄法是倒非倒。彼

則成就二謂聖種性。及愚夫種性。聖種性者。三種分別。謂聲聞乘。緣覺乘。佛乘。云何愚夫妄想起。聲聞乘

種性。謂自共相計著起。聲聞乘種性。是名妄想起。聲

聞乘種性。唐云。云何愚夫分別妄法。生聲聞乘種性。所謂計著自相共相。大慧。卽彼

惑亂妄想起。緣覺乘種性。謂卽彼惑亂自共相不親

計著起。緣覺乘種性。唐云。何謂復有愚夫分別妄法。成緣覺乘種性。謂卽執著自共

相時離於憤鬧云何智者。卽彼惑亂起。佛乘種性。謂覺自心

現量。外性非性。不妄想相起。佛乘種性。是名卽彼惑

亂起。佛乘種性。唐云。何於智人分別妄法。而得成就。佛乘種性。所謂了達一切。唯是自心

分別所見。無有外法。又種種事性。凡夫惑想起。愚夫種性。唐云。有諸

愚夫。分別妄法。種種事物。決定如是。決定不異。此則成就生死乘性。

疏曰。此經所稱惑亂。卽唐釋所謂妄法。指三界依

楞伽經疏二卷下 四
正色心因果諸法猶如瞽目所見空華故名惑亂也。衆生無始以來在惑亂中捨此惑亂妄法更無所觀之境。但能觀之智有倒有不倒耳。此經所稱妄想卽唐譯所謂分別。尅指觀智而言。若邪想邪分別則成凡愚。若正想正分別則成聖種。而皆以惑亂妄法爲所觀境。是知惑亂妄法體非十界能生十界。雖生十界卽非十界。所以前云惑亂常惑亂真實也。計著自共相者。但破我執。不破法執。故雖非邪。各之爲聖。而根鈍故。仍名爲愚。不親計著

者。唐云離於憤鬧。此則知自共相如幻如夢。當體無生。本無憤鬧。無可計著。而猶未知自心現量。亦各爲愚。覺自心現量者。知一切法皆唯心現。有卽非有。是正分別。卽妄想而非妄想。故名爲智也。種種事性者。法本無性。而迷惑分別。計有實性。著我著法。不出生死。恒於六道往來不息。故唐譯亦稱乘也。

二結成性卽真如

彼非有事非無事是名種性義。

唐云。彼妄法中種種事物。非卽是物。亦非

非物大慧。卽彼惑亂不妄想諸聖心意意識過習氣自

性法轉變性是名爲如。唐云。卽彼妄法諸聖智者心

依故卽說此是故說如離心。唐云。是故真我說此句

妄名爲真如顯示離想卽說離一切想。唐云。我今明了顯示此句

離分別者悉離一切諸分

故別疏曰。惑亂妄法全妄卽真隨緣不變離一切相故

非事物不變隨緣卽一切法故非無事物譬如醉

人所見轉屋卽是不轉之屋捏目所見二月卽是

但一月真譬目所見空華卽是精明空體唯佛乘

人唯心直進觀察妄想無性心外無法意識不與

我法二執相應轉爲妙觀察智相應心品則意亦

不與我法二執相應轉爲平等性智相應心品由

此無漏妙智熏於第八藏心使無漏種日復熾盛

則有漏種新者不生舊者消滅至純淨位轉爲大

圓鏡智相應心品是謂心意意識過習氣自性法

轉變性譬如吐酒得醒見屋不轉停捏不勞見一

真月譬病旣去牽處本空方知惑亂妄法本元真

如此真如體實非凡夫二乘心意意識未轉依時

所能親證。必離一切妄想分別。乃契會耳。初正明

惑亂卽常竟

二委名惑亂如幻四。初正明如幻。二會釋無生。

三兼明各句形身。四兼明四種記論。今初有

三番問答

大慧白佛言。世尊。惑亂爲有爲無。唐云。所說妄法。爲有爲無。佛告

大慧。如幻。無計著相。唐云。無執著相故。若惑亂有計著相者

計著性。不可滅緣起。應如外道說。因緣生法。唐云。若

體是有者。應不可轉。則諸緣起。應如外道說。作者生。

疏曰。此初番問答。明妄法非有無也。譬如幻師。以

幻術力。幻作兔馬等物。愚小無知。計著有實。而原

無所計著之實兔馬相。若幻法果有體相。如彼愚

小所計著者。則便不可轉滅。何異外道所說能生

所生皆實有耶。

大慧白佛言。世尊。若惑亂如幻者。復當與餘惑作因

唐云。若諸妄法。同於幻者。此則當與餘妄作因。佛告大慧。非幻惑因。不起過

故。唐云。非諸幻事爲妄惑因。以幻不生諸過惡故。大慧。幻不起過。無有妄想。

唐云。以諸幻事無分別故。大慧。幻者從他明處。唐作明咒。生。非自妄想。

過習氣處生。是故不起過。大慧。此唐云。此妄惑法。是愚夫心

惑計著。非聖賢也。爾時世尊欲重宣此義而說偈言。

聖不見惑亂。唐云。變法。中間亦無實。中間若真實。惑亂卽

真實。唐云。以妄卽真。故中間亦真實。捨離一切惑。若有相生者。是亦

爲惑亂。不淨猶如腎。唐云。若離於妄法。而有相生。復若此。還卽是妄。如腎未清淨。

次大慧。非幻無有相似見一切法如幻。唐云。見諸法非幻。無有相

似。故說一切法如幻。

疏曰。此第二番問答。明愚夫不知妄法如幻而起

計著。所以生過。若達如幻。則不起過也。問意由迷

惑故而起妄法。譬如由幻術故而起幻事。旣妄法

能生餘妄。則幻事亦應能生餘幻。此反以法例喻

而爲難也。佛直荅以幻不起過。無妄想故。聖賢於

諸妄法。了知皆從妄想過習氣生。譬如幻事從幻

術生。當體不實。絕不計著。所以亦不起過。若謂妄

法是有不同幻事。便是愚夫心惑計著。非是聖賢

此正以喻例法而爲釋也。偈中前四句。意明真外

無妄。故無妄法可見。後四句。意明妄外無真。故非

有真相生也。復次下申明聖賢見一切法最與幻

事相似。故說一切法如幻耳。

大慧白。佛言。世尊。爲種種幻相計著言一切法如幻。

唐云。爲依執著種種幻相。言一切法猶如幻耶。爲異相計著。唐云。爲異依此執著顛倒相耶。

若種種幻相計著言一切性如幻者。唐云。若依執著種種幻相。言一切法猶如幻者。

世尊。有性不如幻者。唐云。非一切法悉皆如幻。所以者何。

謂色種種相非因。唐云。何以故。見種種色相不無因故。世尊。無有因色。

種種相現如幻。唐云。都無有因。令種種色相顯現如幻。世尊。是故無種。

種幻相計著相似性如幻。唐云。是故世尊。不可說言依於執著種種幻相。言一切法猶如幻者。

疏曰。此第三番問。斷前答文而起難也。前云一切諸法非幻。無有相似。但是愚夫心惑計著。故說如幻。以開曉之。然愚夫計著諸法。與計著幻事。其計著之情雖同。而只今世間種種色相。與幻現種種色相。真色相之因有異。謂兔馬等幻事。則因幻師咒術乍現。而世間種種色相。自有因緣所生。非以幻術爲因。又幻事現時。縱令愚夫計著。不久必能顯現其爲非實。而世間種種色相。一任愚夫計著。何由顯現。令其如幻耶。是故不可說言依於計著。

言如幻也

今其成敗相異猶不有語言於彼情義

佛告大慧非種種幻相計著相似一切法如幻

唐云不依執著種種幻相言一切法如幻大慧然不實一切法速滅如電

唐云以一切法不實速滅如電是則如幻大慧譬如電光刹那現現已

即滅非愚夫現

魏云凡夫不見○唐云世間凡愚悉皆現見如是一切性

自妄想自共相

唐云一切諸法依自分觀察無性非別自共相現亦復如是現色相計著

唐云以不能觀察無所有故而妄計著種種色相爾時世尊欲

重宣此義而說偈言非幻無有譬說法性如幻不實

速如電是故說如幻

唐云非幻無相似亦非有諸法不實速如電如幻應當知

疏曰此第三番答正明諸法的皆如幻本依計著

而言如幻也夫電光一現即滅凡愚共知一切諸

法亦皆一現即滅凡愚不知以不知一切諸法自

相共相唯依妄想分別乍現故也妄想念念生已

即滅則所現諸法自相共相亦皆念念生已即滅

由妄想隨滅隨生長時相續故妄見諸法相似相

續計以為實謂不同幻耳若能觀察諸法無性則

不計著自心所現色相以為實有矣初正明如幻

竟

二會釋無生二。初難問。二答釋。今初

大慧復自佛言如世尊所說一切性無生及如幻。唐云

如佛先說一切諸法皆悉無生。又言如幻。將無世尊前後所說自相違耶。

說無生性如幻。唐云其執無生者。其言請我。其言

疏曰。此恐凡愚執無生為不生。執如幻為有生。未

免相違。故問之也。唐云其言請我。其言

二答釋。唐云其言請我。其言

佛告大慧。非我說無生性如幻。前後相違過。唐云無

所以者何。謂生無生。覺自心現量。唐云何以故。我於

所見故。有非有外性。非性無生現。唐云若有者。無

無性。本不生故。大慧。非我前後說相違過。然壞外道因生故。

我說一切性無生。唐云為離外道因生義。大慧。外道

癡聚欲令有無有生。非自妄想種種計著緣。唐云外

其與惡見。言從有無生一切法。非自執著分別為緣。大慧。我非有無有生。是故

我以無生說而說。唐云我說諸法非有無生。故各無生。大慧。說性者為

攝受生死故。壞無見斷見。故為我弟子攝受種種業

受生處故。以聲性說攝受生死。唐云說諸法者為令

生死遮其無有斷滅見故。大慧。說幻性自性。相為離性自性。相故

唐云說諸法相猶如幻者令離諸法自性相故

墮愚夫惡見相希望不知自心現量唐云為諸凡愚墮惡見壞因所作生緣自性

相計著說幻夢自性相一切法唐云為令遠離執著

切法如因緣生起之相不令愚夫惡見希望計著自及他一切法如

實處見作不正論唐云彼諸愚夫執著惡見欺誑自他不能明見一切諸法如實住處

大慧如實處見一切法者謂超自心現量唐云見一切法如實

處者謂能了達唯心所現爾時世尊欲重宣此義而說偈言無生

作非性唐云無作有性唐作攝生死觀察了達唐作如幻

等於相不妄想唐作分別

疏曰此明所說無生及諸法如幻皆為對治物機

不相違也為破外道邪因無因所生故說無生為

破斷見無見故說唯心所現因果諸法為破妄計

諸法有自性相故說如幻如夢若能了達自心現

量則知生即無生業及生死亦不失壞而皆無性

如幻夢矣但依唐譯思之文義可了二會釋無生

竟

三兼明各句形身

復次大慧當說各句形魏作字身相善觀各句形身

菩薩摩訶薩隨入義句形身唐云諸菩薩善觀此相了達其義疾得

阿耨多羅三藐三菩提如是覺已覺一切衆生大慧

名身者謂若依事立名唐云謂依事立名名即是身是名名身句

身者謂句有義身自性決定究竟唐云諸能顯義決定究竟是名

句身唐云謂由於此能成名句是名形身

疏曰凡愚不達自心現量妄計心外實有名句文

身故最菩薩當善觀其相也名詮自性故云依事

立名如依能見之事即立眼名依所見之事即立

色名依能聞之事即立耳名依所聞之事即立聲

名等句詮差別故云顯義決定究竟如說眼無常
乃至意無常色無我乃至識無我等形即文字爲
名句依故云顯示名句也

又形身者謂長短高下唐先有云句身者謂句事究竟名身者謂諸字名各各差

別如從阿字乃至阿字乃唐云謂諸字名各各差又句身者謂徑跡唐云如

如象馬人獸等所行徑跡唐云如衢巷中人畜等跡得句身名大

慧名及形者謂以名說無色四陰故說名自相現故

說形唐云名謂非色四蘊以名說故文謂名之自相由文顯故是名名句形身說

名句形身相分齊應當修學

疏曰。句事究竟。謂必詮事。至於究竟。方成一句也。
字名差別。謂如阿至呵等。但可詮差別事。卽名爲
名也。長短高下。謂文字當體有此對待假相也。徑
跡者。如有徑路。則有人畜所行足跡。譬有名字。則
有依名所顯句義也。無色四陰者。受想行識。但有
名字。更無體相可表示也。名之自相。由文顯者。由
此受想行識等文字。方得顯現四陰等名也。同前
共有三番解釋。並是唯心所現。依於音聲而有差
別。謂之不相應行。與彼音聲不卽不離。非別有性。

且約此土聲爲教體。云與音聲不卽不離。若
他土中。以色香等爲教體者。亦皆不卽不離也。故云

於彼身相分齊。應當修學。不可妄計心外有法也。
爾時世尊欲重宣此義。而說偈言。名身與句身及形
身差別。凡夫愚計著如象溺深泥。

疏曰。聖智了達唯心。則色等六塵性境尚非心外
別有。况依色等假立名句文身。豈別有耶。凡愚計
著不達名句文身性空。譬如象溺深泥。何能出哉。
此甚警人不可計著也。三兼明名句形身竟

四兼明四種種記論

復次大慧未來世智者以離一異俱不俱見相。我所
通義問無智者。彼卽答言此非正問。魏云。未來世中無智慧者以邪見心不知如實法故。因世間論。自言智者有智者問如實之法。離邪見相。一異俱不俱。而彼愚人作如是言。是問非是。非正念問。唐云。未來世中有諸邪智惡思覺者。離如實法。以見一異俱不俱相問。諸智者彼卽答言。此非正問。

疏曰。此段文意。須將三譯參合。方有著落。大凡有
智慧人。若見邪智妄問。一異俱不俱相。卽應答云。
此非正問。而彼邪智惡覺之人。若見智者問以離
一異俱不俱相佛所通達第一義諦。彼亦妄答以

爲非正問也。魏云。爲

謂色等常無常爲異不異。魏云。爲如是涅槃諸行。魏云。爲

如是涅槃有爲諸行。爲一爲異。相所相。魏云。相中所有能見所見爲一爲異。求那所求

那。唐云。依所依。造所造。魏云。作者所見所見。魏云。能見可見。爲一爲異。

塵及微塵。唐云。地與微塵。魏云。四大中色香味觸。爲一爲異。泥團微塵。爲一爲異。修與

修者。唐云。智與智者。魏云。知者所知。爲一爲異。如是比展轉相如是等

問。唐云。如是等不計事次第而問。而不

疏曰。此廣述無智者之邪問也。

而言佛說無記止論。非彼癡人之所能知。唐云。世尊說此當止。

30 1 2 3 4 5 6 7 8 9 30 1 2 3 4 5 6 7 8 9 100 1 2 3 4 5 6 7 8 9

佛伽義疏二卷 卷一 五

記答愚夫無智非所能知謂聞慧不具故。如來應供等正覺令彼

離恐怖句故說言無記。不為記說。唐云。佛欲令其離驚怖處。不為記說。

又止外道見論故。而不為說。唐云。不記說者欲令外道永得出離。作者見故。

大慧外道作如是說。謂命即是身。如是等無記論。唐云。

諸外道衆計有作者。作如是說。命即是身。命異身異。如是等說。各無記論。大慧。彼諸外道

愚痴於因作無記論。非我所說。魏云。外道迷於因果義故。是故無記。非我

法中各無記也。大慧。我所說者。離攝所攝。妄想不生。云何止

彼。魏云。我佛法中。離能見可見虛妄之相。無分別心。是故我法中無有置答。唐云。我教中說離能所

取。不起分別。云何可止。大慧。若攝所攝計著者。不知自心現量

故止彼

魏云。諸外道等執著可取能取。不知但是自置答。非我法中。唐云。若有執著能取所取。不了唯是自心所現。彼應可止。

疏曰。此明外道邪問。無有實義。是無記論。應置不

答。故須以不答止之。若佛法中正問理。應廣答。不

可妄以為無記而止之也。然外道所問無記邪論

不出四句。所謂一異及俱不俱。設使彼有聞慧。便

可為其廣說。四句皆非。顯出自心現量第一義境

由彼聞慧不具。若聞離四句法。必當恐怖失措。如

大佛頂經中。於無是見者。無非見者。二語佛皆以

楞伽義疏二之下 十六

如是印之。大衆非無學者便皆茫然不知是義終始一時惶悚失其所守。况外道乎。又外道妄計作者爲因。所作爲果。不知因果皆唯心現。故作一異俱不俱等諸無記論。應須置而不答。非佛法中正問。而可用置答也。奈何無智愚人。見佛法中訶外道之非正問。遂訶智人以爲非正問哉。嗚呼。上古宗匠之用棒喝。如彼智者。今時宗匠倣而用之。亦類彼無智者矣。

大慧如來應供等正覺以四種記論爲衆生說法。大

慧止記論者我時時說。魏云爲待時故說如是法。唐云我別時說。爲根

未熟不爲熟者。魏同。唐云以根未熟且止說故。

疏曰。此因前所明止論而明佛之說法。總有四種不可執一也。言四種者。後偈自出其相。今止記論。但是四種之一。不過爲根未熟者耳。

復次大慧。一切法離所作因緣不生。無作者故。一切

法不生。唐云。何故一切法不生。離能作所作。無作者故。以大慧何故一切性

離自性。以自覺觀時自共性相不可得故。說一切法不生。唐云。何故一切法無自性。以證智觀自相共相不可得故。何故一切法不可

持來不可持去。以自共相欲持來無所來欲持去無

所去。是故一切法離持來去。唐云。何故一切法無來

去無所至故。大慧。何故一切諸法不滅。謂性自性相無故

一切法不可得故。一切法不滅。唐云。謂一切法無大

慧。何故一切法無常。謂相起無常性。是故說一切法

無常。唐云。謂諸相起無常性故。大慧。何故一切法常。謂相起無生

性無常常故。說一切法常。唐云。謂諸相起。卽是不起。

我說一切法常。無所有故。無常性常是故。

疏曰。此明爲根熟者分別答也。文並可知。

爾時世尊欲重宣此義而說偈言。記論有四種。一向

直答。魏云。反詰問。魏云。分別及止論。二作以制諸外道。有

及非有生僧。佉毘舍師。唐云。數論與勝論。言有非有生。一切悉無記

彼如是顯示。唐云。如是等諸說。一切皆無記。正覺所分別。自性不可

得。唐云。以智觀察。時體性不可得。以離於言說。故說離自性

疏曰。隨問直答。名爲一向。反詰質之。令其自悟。名

爲質答。詳細解釋。名分別答。置而不答。名爲止論。

若爲根熟。用前三種。若爲外道。具用四種。外道亦

有應直答。反問及分別答者。故也。有及非有生者。

即邪因無因二論也。僧佉者即數論師。立二十五法。妄謂二十三法皆是冥諦所生。神我之所受用。又計能生所生定一。毘舍者即勝論師。立六句義。計能有所有定異。然彼等諸說。但有虛言。都無實義。故一切悉無記也。若夫自覺聖智了達自心現量境界。毫無諸法自性可得。此則唯證相應非言語之所及。故強說爲離自性耳。第十三常聲如幻門竟。

第十四四果差別相門三。初請問。二許宣。三正

說 今初

爾時大慧菩薩摩訶薩復白佛言。世尊。惟願爲說諸須陀洹。須陀洹趣差別通相。二譯皆云。行差別相。若菩薩摩訶薩。善解須陀洹趣差別通相。及斯陀含。阿那含。阿羅漢。方便相。分別知已。如是如是。爲衆生說法。謂二無我相及二障淨。唐云。令其證得。二障。無我法。淨除二障。度諸地。相究竟通達。魏云。次第進取地地勝相。唐云。諸地相漸次通達。得諸如來不思議究竟境界。如衆色摩尼。善能饒益一切衆生。以一切法境界無盡身財攝養一切。

果疏曰。四果修行差別之相。皆是如來化他妙權。能引衆生從權入實。故菩薩必須善解之也。

三許宣

佛告大慧。諦聽諦聽。善思念之。今爲汝說。大慧。白佛言。善哉世尊。唯然聽受。

二正說二。初正明行相。二結屬唯心。惟初中四。

初明須陀洹。至四明阿羅漢。今初。

佛告大慧。有三種須陀洹。須陀洹果差別。云何爲三。

謂下。中。上。下者。極七有生。唐云。於諸有中。極七反生。中者。三五有

生而般涅槃。上者。卽彼生。唐云。此生。而般涅槃。此二種有

三結。下。中。上。唐云。此三種。人斷三種結。云何三結。謂身見。疑。戒取。

是三結差別。上上昇進得阿羅漢。

疏曰。下須陀洹。斷見惑三結已。不復精進。故欲界

九品思惑。總潤七生。謂上上任運。貪瞋癡慢。能潤

二生。上。中。上。下。品惑。各潤一生。中。上品惑。能潤一

生。中。中。中。下。品惑。共潤一生。下。三品惑。共潤一生。

至七生已。惑潤已盡。舊業種枯。永不於三有中受

生也。中須陀洹。斷三結已。不喜受生。更起加行。若

斷上上品惑則損二生。餘五生在。若斷上中。必斷上下。則損四生。餘三生在。若更斷中上品惑。餘二生在。名爲家家。若更斷中中下品惑。則轉各斯陀舍果。若更斷下三品惑。則轉各阿那舍果也。上須陀洹。斷三結已。深厭三界。起大加行。卽於此生。斷盡九地。八十一品思惑。故得入涅槃也。言三結者。初果所斷見惑。共有十使。謂貪。瞋。癡。慢。疑。身。邊。戒。見。邪。今以身見而攝邊見。以戒取而攝見取。以疑惑而攝邪見。以三結總攝貪。瞋。癡。慢。謂見惑中。

之貪等。必由三結方起。故也。

大慧身見有二種。謂俱生及妄想。

二云分別。

如緣起妄想。

自性妄想。

唐云。如依緣起。有妄計性。

譬如依緣起自性種種妄想。

自性計著生。以彼非有非無。非有無實妄想相故。

愚夫妄想種種妄想自性相計著。

唐云。彼法但是妄分別相。非有非無。

非亦有亦無。凡夫愚癡而橫計著。

如熱時燄。鹿渴水想。是須陀洹妄想身見。彼以人無我。攝受無性。斷除久遠。無知計著。

唐云。此分別身見。無智慧故。又遠相應相。見人無我。卽時捨離。

大慧。俱生者。須陀洹身見。自他身等。四陰無色相。故色生造及所造。故展

轉相因相故。大種及色不集故。須陀洹觀有無品不現身見則斷。唐云。俱生身見。以普觀察自他之身。受是諸大種互相因故。色不集故。色由大種而得生故。如是觀已。明見有無。即時捨離。如是身見斷。貪則不生。是明身見相。

疏曰。此明二種身見不同。斷身見之觀亦不同也。俱生身見。卽是思惑。徧在六七二識。細故難斷。必俟見道之後。重慮緣真。修無漏觀。乃能斷之。妄想分別身見。卽是見惑。局在第六意識。粗故易斷。創見人無我時。卽便捨離也。分別身見者。依於色心

五陰而起。分別妄計。卽離大小等二十句也。夫現。在色心五陰本是因緣生法。非有非無。非亦有無。乃緣起自性。非我我所。而妄想計著。謂我我所。如陽燄非水。渴鹿謂水。此則須陀洹一見人無我時。便能斷除之矣。至於俱生身見。不由妄想分別。始有。任運執著。色心假聚以爲是我。故於見道之後。仍普觀察自他之身。不過五陰所成。而受想行識。毫無色相。但有名字。至於色身。不過是地水火風四大所成。四大又復展轉相因。無有實性。且析四

大猶似可成色等微塵。而色等微塵決定不可集
爲四大。須陀洹人如是普觀察。已知此五陰決定
非我。故俱生身見斷。而三界貪不生。便成阿羅漢
也。

大慧疑相者。謂得法善見相故。

唐云。於所證法善見相故。

及先二

種身見。

之。妄想。分別身見。已先斷。

故疑法不生。

唐云。於諸法中。疑不得生。

不於餘處起。大師見爲淨不淨。是名疑。相須陀洹斷。
疏曰。不了諦理而起猶豫。名之爲疑。唯是分別無
有俱生。須陀洹人於所證得四諦法中。已善見其

眞實相故。分別身見。已永斷。故世出世間因果法
中。決不生疑。於佛法僧得不壞信。故更不於外道
天魔等處起。大師見疑。其爲淨爲不淨也。

大慧戒取者。云何須陀洹不取戒。謂善見受生處。苦
相故。是故不取。大慧取者。謂愚夫決定受習苦行。爲

衆具樂。故求受生。彼則不取。

唐云。凡愚於諸有中。貪著世樂。苦行持戒。願生

於彼。須陀洹人。不取是相。

除回向自覺勝離妄想。無漏法相。行方便受持戒支。

唐云。唯求所證最勝。無漏。無分別法。修行戒品。是名須陀洹取。

戒相斷。

疏曰。貪著後有而持諸戒。皆名戒取。如難陀爲生

天故。精持比丘律行。佛敕阿難不與共語共坐。以

其志趣邪僻故也。豈惟牛狗等戒。方名戒取耶。

須陀洹斷三結貪癡不生。唐云。捨三結故。離貪瞋癡。若須陀洹作

是念。此諸結我不成就者。應有二過。墮身見及諸結

不斷者。魏云。若須陀洹生如是心。此是三結。我離三結。是各見二法。隨於身見。彼若如是不離三結。

疏曰。斷三結貪瞋癡不生者。利使旣斷。從利使所

起之鈍使亦斷也。三結本是虛妄之法。如幼小者

於暗室中怖稱有鬼。鬼非有也。若云此是三結我

離三結。則無結而妄計有結。無我而妄計有我。譬

如幼小云。此是暗室中鬼。我不怖鬼。豈能真不怖

哉。故墮身見。及諸結不斷二過也。

大慧白。佛言。世尊。世尊說衆多貪欲。彼何者貪斷。唐云。

貪有多種。捨何等貪。佛告大慧。愛樂女人。纏綿貪著。種種方便

身口惡業。受現在樂。種未來苦。彼則不生。魏云。遠離

和合。不爲現在樂。種未來苦。因。唐云。捨於女色。纏綿貪欲。見此現樂。生來苦故。所以者何。

得三昧。正受樂故。是故彼斷。非趣涅槃。貪斷。唐云。又

妹勝樂。故是故捨彼。非涅槃。貪。魏云。須陀洹遠離如是等貪。非離涅槃。貪。

疏曰。初果未盡欲界思惑。但已明信世間因果。又

得無漏三昧正受。故於女人欲愛。能捨能遠。離也。

而貪求涅槃之心。正未可捨。初明須陀洹竟。

二明斯陀舍

大慧云。何斯陀舍相。謂頓照色相。魏云。謂一往見。妄

想生相。見相不生。魏云。非虛妄。善見禪趣相故。魏云。

見禪修。頓來此世。魏云。一往。盡苦際得涅槃。魏云。便

入於。魏云。謂不了色相起色分別。一

般涅槃。是故名斯陀舍。唐云。謂已善修禪行。盡苦邊際。而

名斯陀舍。

疏曰。二果猶有欲界下三品惑。故一往見色相現

前未免生心。而非分別所起見惑也。又以善修禪

行故。一往來世間。便盡餘惑。而入涅槃。須依魏譯

釋之。方與教相不相違背。

三明阿那舍

大慧云。何阿那舍。謂過去未來現在色相。性非性生

見過患。使妄想不生故。唐云。謂於過未現在色相起

及結斷故。唐云。永捨諸名阿那舍。

疏曰。妄想不生。牒前斷分別惑。斷結。正明斷欲殘

思進斷上二界思惑也

四明阿羅漢

大慧阿羅漢者謂諸禪三昧解脫力明

唐云悉成就

苦妄想非性故

唐云煩惱諸苦分別永盡

名阿羅漢大慧白佛言

世尊世尊說三種阿羅漢此說何等阿羅漢世尊為

得寂靜一乘道

魏云決定寂滅唐云一向趣寂

為菩薩摩訶薩方便

示現阿羅漢為佛化化佛告大慧得寂靜一乘道聲

聞非餘餘者行菩薩行及佛化化巧方便本願故於

大眾中示現受生為莊嚴佛眷屬故

疏曰諸禪等成就卽梵行已立所作已辦也煩惱
若盡卽我生已盡不受後有也此唯約定性聲聞
言之非佛菩薩所化現也初正明行相竟

二結屬唯心

大慧於妄想處種種說法

唐云於虛妄處說種種法

謂得果得禪

禪者入禪悉遠離故

唐云所謂證果禪者及禪皆性離故

示現得自心

現量得果相說名得果

唐云自心所得果相故

復次大慧欲超

禪無量無色界者當離自心現量相

唐云應離自心所見諸相

大

慧受想正受超自心現量者不然何以故有心量故

唐云想受滅三昧起自心爾時世尊欲重宣此義而

說偈言諸禪四無量無色三摩提一切受想滅心量

彼無有唐云唯心須陀槃那果往來及不還及與阿

羅漢斯等心惑亂唐云悉依禪者禪及緣唐作斷知

唐作見真諦此則妄想量若覺得解脫唐云了知

疏曰世間十二門禪出世滅盡三昧及與四果皆

是唯心心外無法菩薩了之故能無所取者隨順

攀機或施或廢皆得自在也第十四四果差別相

門竟

第十五二種覺門三初正辨二覺二明善覺四

大三明善覺五陰初中三初總標二別釋三

結益今初

復次大慧有二種覺二皆謂觀察覺及妄想相攝受

計著建立覺魏云虛妄分別取相在智

二別釋二初釋觀察二釋計著建立今初

大慧觀察覺者謂若覺性自性相選擇離四句不可

得魏云觀察一切諸法體相離於四句無法是名觀

察覺大慧彼四句者謂離一異俱不俱有無非有非

無常無常是名四句。大慧此四句離是各一切法。大

慧此四句觀察一切法。應當修學。唐云。我以諸法離此四句。是故說言

一切法離如是觀法。汝應修學。

疏曰。一切諸法皆唯心現。本離四句。如是觀察。便

是妙觀察智。真實方便。故勸修學也。諸法離四句

相。具如第九門中已明。

二釋計著建立

大慧云。何妄想。相攝受計著建立覺。謂妄想相攝受

計著堅濕煖動不實妄想相四大種。魏云。所謂執著堅濕濕動虛妄

分別四大相故。唐云。謂於堅濕煖動請大種性。取相執著虛妄分別。宗因相譬喻計

著不實建立而建立。魏云。執著建立因譬喻相故。建立非實法以爲實。唐云。以宗

因喻而妄建立。是名妄想相攝受計著建立覺。

疏曰。下文廣明四種妄想。成內外四大。則心外何

嘗實有四大。而諸凡愚妄以宗因喻成立四大。爲

實有性。謂地實有堅性。水實有濕性。等。豈非妄想

計著於不實法而建立耶。二別釋竟。

三結益

是名二種覺相。若菩薩摩訶薩成就此二覺相。入法

無我相究竟善知方便無所有覺觀察行地得初地。

唐云菩薩知此智相即能通達人法無我入百三昧以無相智於解行地善巧觀察入於初地。

得差別三昧。唐云以勝三昧力見百佛及百菩薩知前後際

各百劫事光照百刹土知上上地相大願殊勝神力

自在法雲灌頂當得如來自覺地善繫心十無盡句

成熟衆生種種變化光明莊嚴得自覺聖樂三昧正

受。唐云十無盡願成就衆生種種應現無有休息而恆安住自覺境界三昧聖樂

疏曰知計著建立之非則知所捨知觀察離四句

之是則知所修故能從解行地入歡喜地乃至成

佛盡未來時成熟衆生恒住自覺聖智樂也初正
辨二覺竟

二明善覺四大

復次大慧菩薩摩訶薩當善四大造色。魏云應善知四大及四塵

相○唐云當善了知大種造色云何菩薩善四大造色大慧菩薩摩

訶薩作是覺唐云應如是觀彼真諦者四大不生。唐云彼諸大種真實

不生於彼四大不生作如是觀察觀察已覺名相妄想

分齊自心現分齊外性非性是名心現妄想分齊謂

三界。唐云以諸三界但是分別唯心所見如有外物觀彼四大造色性離四

句通淨離我所。如實相自相分段住。無生自相成。

唐云。如是觀時。大種所造。悉皆性離。起過四句。無我我所。任如實處。成無生相。大慧彼四大

種云何生造色。謂津潤妄想大種。唐云。虛妄分。別津潤大種。生作

成。四。內外水界。堪能妄想大種。唐云。炎。盛大種。生內外火界。

並同。飄動妄想大種。生內外風界。斷截色妄想大種。唐云。色分

段大。生內外地界。色及虛空俱。魏云。妄想分別內外。共。虛空生內外相。

唐云。離於虛空。計著邪諦五陰集聚。四大造色。生。魏云。以執

外邪見。五陰聚落四大及四塵生故。唐云。由執著邪諦。五陰聚集。大種造色。生。

疏云。此正明心外實無四大。四大皆唯心也。四大

之名。四大之相。皆依妄想分別。似有顯現。是故三

界。依正無非自心所現。分齊。譬如醫目所見空花。

眞實不生。不可謂有。不可謂無。不可謂。不可謂

異。不可謂常。不可謂無常。不可謂亦有。亦無。亦一

亦異。亦常。亦無常。不可謂非有。非無。非一。非異。非

常。無常。不可謂我。不可謂我所。當處出生。無有來

處。隨處滅盡。無有去處。性無遷動。生即無生也。然

四大既如空花無體。何有堅濕煖動之相。歷然不

同。當知堅濕煖動。祇是妄想分別所成。離妄想外

無別種也是故津潤妄想卽水大種。由此故生內
外水界。堪能妄想卽火大種。由此故生內外火界。
飄動妄想卽風大種。由此故生內外風界。分段妄
想卽地大種。由此故生內外地界。旣此四大唯以
妄想爲種。則與虛空同是無性之法。本非有異。而
妄想分別。謂離色有空。離空有色。遂謂色及虛空
俱是心外有法。由是計著邪諦。妄謂五陰集聚。乃
從四大造色所生。不知四大造色。皆由妄想生也。
大慧識者。因樂種種跡境界。故餘趣相續。唐云。識者。以執著種

種言說境界爲因起。故。於餘趣中相續受生。

疏曰。五陰之中。識爲其主。故云萬法唯識。而此識
者。五識則樂現在五塵境界。意識則徧樂三世假
實境界。第七則樂虛妄我執。第八則受前七識重
執持彼種令不失壞。故於餘趣恒相續也。

大慧地等四大及造色等有四大緣。非彼四大緣。唐云。地等造色。有四大種因。非四大種爲大種因。所以者何。謂性形相處所作方

便無性。大種不生。大慧性形相處所作方便和合生
非無形。唐云。何以故。謂若有法有形相者。則是所作。非無形者。是故四大造色

相。外道妄想非我。唐云。此大種造色相。外道分別。非是我說。

四大

疏曰。此明地水火風四大。及色香味觸四微。皆以妄想為其因緣。非彼外道所計之四大因緣也。蓋凡屬有形。皆是所作。必非能作。今外道所計大種之性。形相處。推其所作方便。一一無性。則心外大種實不生矣。當知四大四微。凡有性形相處。皆是自心所作。方便和合而生。非無形者。如何妄計為能作耶。然統論外道妄計。共有二種。一者計四大為能生。四微為所生。二者計四微為能造。四大為

所造。此皆不達心外無法。所以宗因譬喻皆不成。就今正教中。四大祇是四妄想。成。四微祇是四識。相分。若約依於本質。變起相分。則四大外無四微。若約依於現行。熏成種子。則四微外無四大。故雖假說互為能所。實則無能無所也。二明善覺四大竟。

三 明善覺五陰

復次大慧。當說諸陰自性相。

二皆作體相。

云何諸陰自性

相。謂五陰。云何五。謂色受想行識。彼四陰非色。魏云。四陰

無色謂受想行識。大慧色者四大及造色。各各異相。

大慧非無色有四數。如虛空。魏云。無色相法。同如虛空。云何得成四種數相。

○唐云。非色諸蘊。猶如虛空。無有四數。譬如虛空。過數相離於數。而妄

想言一虛空。大慧如是陰過數相。離於數。離性非性。

離四句數。相者愚夫言說非聖賢也。大慧聖者如幻。

種種色像。離異不異。施設。又如夢影。士夫身離異不

異。故。唐云。諸聖但說如幻所作。唯假施設。離異不異。如夢如像。無別所在。大慧聖智趣

同陰妄想現。魏云。如聖人智修行。分別見五陰。虛妄

分別。現前。是名諸陰自性相。汝當除滅。唐云。如是分別。汝應捨離。滅已

說寂靜法。斷一切佛刹諸外道見。大慧說寂靜時。法

無我見淨。及入不動地。二皆云。入遠行地。入不動地已。無量

三昧自在。及得意生身。得如幻三昧。通達究竟。力明

自在。救攝饒益一切衆生。猶如大地。載育衆生。菩薩

摩訶薩。普濟衆生。亦復如是。

疏曰。色受想行識。名為五陰。研其體相。非異不異。

故非定五。亦非定一也。且色陰則指四大四微。故

猶似有各各異相。至於受想行識四陰。既無色相

同如虛空。如何可執有四數耶。譬如虛空。既非有

四亦非定一。受想行識亦復如是。過數相離於數。真故相無別。是故離性。俗故相有別。故離非性。本非一異。有無常無常及俱不俱。四句之所能詮。而云五陰之數相者。乃是愚夫言說而已。聖者了達五陰如幻。亦如夢中身。及鏡中影。不可謂異。不可謂不異。但是假施設。有由於妄想分別之所顯現。豈應執著有體相哉。除滅諸陰體相之分別已。則知諸法本來寂靜。破外道見淨法無我。從通教七地八地接入別圓。得意生身。入如幻三昧。化度衆

生猶如大地。所謂從空入假。從假入中也。此中遠行不動。皆是借別明通。以別教初地證道同圓。分證中道法身應化之本。不復名爲意生身故。第十五二種覺門竟。

第十六涅槃妄想門二。初辨外道涅槃。二辨妄想通相。初中二。初正明外道妄計。二申明佛

說涅槃。今初。

復次大慧。諸外道有四種涅槃。云何爲四。謂性自性非性涅槃。魏云。自體相涅槃。唐云。諸法自性無性涅槃。種種相性非性涅

槃魏云種種相

自相自性非性覺涅槃

魏云自覺體有無涅槃

唐云覺自相性無性涅槃

諸陰自共相相續流注斷涅槃

魏云諸陰自相

同相斷相續體涅槃唐云斷諸蘊自共相流注涅槃

是名諸外道四種涅槃

非我所說法

疏曰涅槃者不生不滅之理乃由生滅情盡二空

所顯真如本來寂滅故強名為涅槃而外道不達

乃有四種妄計也初云性自性非性涅槃者謂二

十三法皆以冥諦而為體性諸法滅已還歸冥諦

名為涅槃也二云種種相性非性涅槃者魏云種

種相有無有即是性謂五現涅槃無即非性謂七

處斷滅為涅槃也三云自相自性非性覺涅槃者

魏云自覺體有無有亦是性謂神我究竟不滅無

亦非性謂形滅則神亦滅也四云諸陰自共相

續流注斷涅槃者謂無想天則斷受想行識四陰

相續流注無色四空天則斷色陰相續流注也

二申明佛說涅槃二初長文二偈頌今初

大慧我所說者妄想識滅

魏云見虛妄境界分別識滅唐云分別爾炎識滅

名為涅槃大慧白佛言世尊不建立八識耶佛言建

立。大慧白佛言。若建立者。云何離意識非七識。魏云何故

但言意識轉滅。不言七識轉滅。佛告大慧。彼因及彼攀緣。故七識不

生。魏云。以依彼念觀有故。轉識滅。七識亦滅。意識者

境界分段計著。生習氣長養藏識。唐云。意識分別境界起。執著境生諸

習氣長養藏識。意俱我我所計著。思惟因緣生。唐云。由是意

思量。不壞身相。魏云。彼二種識無差別。俱我我所執

隨轉。藏識為自心現境界計著。心聚生。展轉相因。唐

因為所緣故。執著自心所現境界。譬如海浪。自心現境界風吹若

生。若滅亦如是。唐云。而有起滅。是故意識滅。七識亦滅。

疏曰。此明欲證涅槃須滅第六識相應之妄想也。

蓋識雖有八而生死涅槃全由第六識轉。以彼因

及所緣故。餘七識生。若彼因及所緣不生。則餘七

亦不生也。宋唐各皆影畧。參觀魏譯可曉。先明現行熏種子義。故

云意識者境界分段計著。牽引前五識現行生諸

習氣長養藏識。意顯若無前六識為能熏。則藏識

便無由長養也。由有藏識故第七意俱我我所計

著。思惟因緣生。此言我所但是語勢。或我之我。各為我所以第七識。但有我執無我

所執故也。具如唯識中辨。而此七識與第八識俗故相有別故。

宋云不壞身相。真故相無別。故魏云無差別相。唐云無別體相。亦互相影畧也。由俗諦不壞身相言之。故第七識以藏識爲因。卽以藏識爲所攀緣。唯識所謂依彼轉緣彼也。次明種子生現行義。故云自心現境界計著心聚生。謂一切境界皆是第八自心所現。由第六識妄執著故。前七轉識心心所聚乃生起也。次結明種子現行互爲因義。故云展轉相因。後以海浪而爲譬喻。結成妄想識滅。餘七亦滅。八識皆滅。卽大涅槃。然所謂滅者。祇是滅彼

相應妄想之。若現若種而已。妄想種現既滅。則八種識轉爲四智相應心品。故初卷云。非自真相識滅。但業相滅也。今欲妄想識滅。唯有修行二無我觀。了知妄想無性。唯心直進。一經宗要舉不外此。思之修之。庶不致心伏無自封公。俟無觀。其

二偈頌。魏云。我不取涅槃。亦不捨作相。及與相。唐云。我不以自性。及以於作相。妄想爾微識。此滅我涅槃。魏云。轉滅虛妄心。故言得涅槃。唐云。分別境識滅。如是說涅槃。彼

因彼攀緣意趣等成身唐云意識爲心與因者是心

爲識之所依唐云因及所緣如水大流盡波浪則不

起。如是意識滅種種識不生疏曰外道所計四種涅槃不出諸法自性或是所

作或是法相不知心外無自性心外無所作及與

相也。故佛總不約此而論涅槃。但約分別境識滅

時如瀑流盡波浪不起證唯識性乃名爲涅槃耳。

彼因等二句。頌現熏種義與因等二句。頌種生現

義。餘並可知。初辨外道涅槃竟

顯益標名。二依名釋相。三誠莫計著。今初

二辯妄想通相。二初長文。二偈頌。初中三。初

復次大慧。今當說妄想自性分別通相。魏云虛妄分

之相。唐云妄若妄想自性分別通相善分別。汝及

計自性差別相。唐云超諸妄想證聖智境。知緣起種

攝所攝妄想斷。唐云於依他起種種相種相

種相妄想自性行不復妄想。唐云不更取著妄所計相

大慧云何妄想自性分別通相。謂言說妄想。二並作

所說事妄想。魏云可相妄想。利妄想。唐云財分別

分別。

校仇事正二六十一
三十一

自性妄想魏云自體分別因妄想見妄想成妄想魏云建立分別○唐

云理分別生妄想不生妄想相續妄想魏云和合分別○唐云相屬分別

縛不縛妄想唐云縛解分別是名妄想自性分別通相

疏曰徧計分別故名妄想虛妄當體故名自性十

二不同故名分別即差別也同是妄想故名通相

善知此已則能離諸妄想到自覺聖智境界有此

諸益故須說也

二依名釋相

大慧云何言說妄想謂種種妙音歌詠之聲美樂計

著唐云謂執著種種美妙音詞是名言說妄想大慧云何所說事

妄想謂有所說事自性聖智所知依彼而生言說妄

想唐云謂執有所說事是聖智所說境依此起說是名所說事妄想大慧云

何相妄想謂即於彼所說事中如鹿渴想種種計著

而計著謂堅濕煖動相一切性妄想是名相妄想大

慧云何利妄想謂樂種種金銀珍寶是明利妄想大

慧云何自性妄想謂自性特此如是不異惡見妄想

唐云謂以惡見如是分別此自性決定非餘是名自性妄想大慧云何因

妄想謂若因若緣有無分別因相生唐云謂於因緣分別有無以此

因相而能生故。是名因妄想。大慧云何見妄想。謂有無一異。

俱不俱惡見外道妄想計著妄想。唐云謂諸外道惡見執著有無一異

俱等。是名見妄想。大慧云何成妄想。謂我我所成。

決定論。是名成妄想。大慧云何生妄想。謂緣有無性。

生計著。唐云謂計諸法若是名生妄想。大慧云何不

生妄想。謂一切性本無生。無種因緣生無因身。唐云謂計

一切法本來不生。未有諸緣而先有體。不從因起。是名不生妄想。大慧云何

相續妄想。謂彼俱相續如金縷。唐云謂此與彼遇相繫屬。如針與線。是

名相續妄想。大慧云何縛不縛妄想。謂縛不縛因緣。

計著。如士夫方便若縛若解。唐云謂執因能縛而有所縛。如人以繩方便力

故縛已。復解。是名縛不縛妄想。疏曰。此釋十二種妄想差別之。相皆由不了唯心。

故起種種徧計分別也。一。言說妄想者。計著能詮

有實性也。二。所說事妄想者。計著所詮有實性也。

三相妄想者。計著四大等有堅等實性也。四。利妄

想者。計著金銀等有實性也。五。自性妄想者。計著

諸法各有自性不達無性也。六。因妄想者。計著邪

因緣無因緣能生一切法也。七。見妄想者。計著種

種四句也。八成妄想者。計著我我所虛妄建立邪諦理也。九生妄想者。計著諸法從邪因緣無因緣生也。十不生妄想者。計著諸法皆本來有不從因緣生起。但從緣顯也。十一相續妄想者。妄計諸法互相繫屬。譬如金針引縷線也。十二縛不縛妄想者。妄計諸法皆有能縛所縛。能解所解。譬如世人以繩縛物。名之爲縛。還復解之。名之爲解也。豈知緣生如幻。實無此等差別自性哉。

三誠莫計著

於此妄想自性分別通相。一切愚夫計著有無。唐云。此是妄計性差別相。一切凡愚於中執著若有若無。

疏曰。執著有此十二差別相者。固是凡愚。執著無此十二差別相者。亦是凡愚。以不達唯心諸法。本離有無故也。

大慧。計著緣起而計著者。種種妄想計著自性。如幻示現種種之身。凡夫妄想見種種異幻。唐云。於緣起中執著種種

妄計自性。如依於幻。見種種物。凡愚分別見異於幻。大慧。幻與種種非異非不異。若異者。應幻非種種因。若不異者。幻與種種。應無

差別。而見差別。是故非異非不異。是故大慧。汝及餘菩薩摩訶薩。如幻緣起。妄想自性異。不異。有無莫計。

著唐云。於幻有無不應生著。

疏曰。一切諸法。無性緣生。尚於幻事。智者了其不實。凡愚執以為真。既知非異非不異。即便非有非無。故或計定異。或計定一。或計定有。或計定無。皆為妄想。而一切菩薩不應生著也。初長文竟。

二偈頌

爾時世尊欲重宣此義而說偈言。心縛於境界。覺想

智隨轉。無所有及勝。唐云。無相最勝處。平等智慧生。妄想自

性有。唐云。在妄計是有。於緣起則無。妄想或攝受。緣起非妄

想。唐云。妄計迷惑。取緣起離分別。種種支分生。如幻則不成。唐云。如幻不成。

就彼相。有種種妄想。則不成。唐云。雖現種種相。妄分別則無。彼相則

是過。皆從心縛生。妄想無所知。於緣起妄想。唐云。妄計者不

了。分別緣起法。此諸妄想性。卽是彼緣起。妄想有種種。於緣

起妄想。唐云。緣起中分別。世諦第一義。第三無因生。妄想說

世諦。斷則聖境界。上世諦論。其心二句。慈說。此

疏曰。此頌正明。祇一緣起法上。計著則為徧計執。

性。如於繩計蛇。了達則爲圓成實性。如悟繩卽麻也。初二句。頌緣起上所起徧計。次二句。頌緣起處所證圓成。次四句。明徧計情有理無也。種種支分生二句。明生卽無生也。彼相有種種二句。明如幻諸相不同徧計所執我法也。彼相則是過四句。明我法二執之過。但從心縛而生。不了緣起。故起妄計也。此諸妄想性四句。明迷緣起而有妄計。緣起之外。別無妄計自性也。世諦等四句。結明於緣起處而起妄計。卽名世諦。於緣起處不起妄計。卽第

一義。更無第三諦可得也。問。旣云第三無因生。何故諸經論中又說空假中三諦耶。答。三卽是一。一卽是一。非一二三。而一二三。所以不可思議。故大經云。所言二諦。真實是一。方便說二。如醉未吐。見日月轉。謂有轉日。及不轉日。醒人但見不轉。不見於轉。是以一切緣起。色心依正。並皆無性。但就俗人妄想分別。名爲世諦。若出世聖人智慧。了達卽是第一義諦。此乃一而言二。二卽是一也。又對世諦。故說第一義諦。而此緣生無性法體。不惟不可

喚作世諦亦復不可喚作第一義諦譬如對彼醉人所見轉日說日不轉而日月輪不惟不可喚作是轉亦復不可喚作不轉非轉而醉見其轉名爲俗諦非不轉而醒見其不轉名爲真諦醉雖見轉實未嘗轉醒見不轉非定不轉以其非轉非不轉故名爲中諦此乃二而言三三卽是二也又不變隨緣故有轉不轉皆名爲俗隨緣不變故轉卽非轉不轉卽非不轉乃名爲真此乃三而言二二卽是三也思之

譬如修行事

唐云如修視行者

於一種種現於彼無種種妄

想相如是譬如種種譬妄想衆色現

唐云妄想衆色

翳無

色非色緣起不覺然

唐云不了然緣起然

疏曰此二譬喻喻迷緣起而爲妄想也

譬如鍊真金遠離諸垢穢虛空無雲譬妄想淨亦然

疏曰此二譬喻喻斷妄想卽緣起處證圓成實也

無有妄想性及有彼緣起建立及誹謗悉由妄想壞

魏云無有妄想法因緣法亦無取有及謗無分別觀者見○唐云無有妄計性而有於緣起建立及誹謗

斯由分別境

妄想若無性而有緣起性無性而有性有性

無性生

唐云若無妄計性而有緣起者無法而有法有法從無生

疏曰前一偈明依緣起方有妄想故妄想雖無性而緣起是幻有若計妄想有性則是建立若計緣起全無則是誹謗計有計無皆妄想所壞也後一偈明由妄想方成緣起故緣起非實有而妄想非定無若計妄想定無如何能成緣起之有若計緣起實有如何乃從無性之妄想生耶故知妄想本空亦離四句緣起如幻亦離四句矣

依因於妄想而得彼緣起相名常相隨而生諸妄想

疏曰此明能徧計者則是妄想所徧計者則是緣起故五法中之相名妄想三法皆緣起性皆是徧計所緣境也

究竟不成就則度諸妄想然後智清淨是名第一義

疏曰此明若知妄想所緣卽緣起性如知蛇卽是

繩鬼卽是杙則蛇鬼究竟皆不成就便能度諸妄

想二空智淨證得真如第一義矣

妄想有十二緣起有六種自覺知爾

魏云內身證境界○唐云

自證真如境

彼無有差別五法爲真實自性有三種

魏云及三

種亦爾。○唐云。修行分別此。唐云修行者觀此不越於如如。三自性亦爾。

疏曰。此明依迷情說。故有十二妄想。六種緣起。即前

所云。因有六種。若證自覺。知境界。則十二妄想。六種緣起。

性皆空寂。無有差別。故五法三性。總不出真如也。

眾相及緣起。彼各起妄想。彼諸妄想。相從彼緣起生。

唐云。依於緣起相。妄計種種名。彼諸妄計相。皆因緣起在。覺慧善觀察。無緣無妄。

想。成已無有性。云何妄想覺。唐云。真實中無物。云何起分別。○此下

有云。若真實有法。遠離於有無。若離於有無。云何有二法。○唐更有云。圓成若是有此。則離有無。能以離

有無。云何有二性。彼妄想自性。建立二自性。唐云。妄計有二性。二性是安立。

妄想種種現。清淨聖境界。唐云。分別見種種。清淨聖所行。

疏曰。此重明。祇就緣起相上而起妄想。則妄想便

從緣起而生。亦祇就緣起法上而善觀察。則緣起

尚無妄想。何有緣妄。俱無即圓成實。圓成實境本

非有性。何容起妄覺耶。依彼二譯。各有四句。申明

圓成實性。既非有性。亦非無性。言非有者。破眾生

之計。有非斷無也。言若有者。破邪計之斷無。非有

物也。既離有無。安有二性是。故安立二性。皆妄計

耳。由妄計故。妄見種種。若知性本清淨。無種種者。

乃是聖智所行境也

妄想如畫色緣起計妄想

魏云見妄想種種因緣中分別○唐云妄計種種相

緣起中分別

若異妄想者則依外道論

唐云若異此分妄別則墮外道論

想說所想因見和合生

唐云以諸妄見故妄計於妄計

離二妄想者

如是則爲成

唐云離此二計者則爲眞實法

疏曰此結明妄想緣起並皆無性非定一也謂世

人妄計種種諸相但如畫色緣起非實而彼於中

妄生分別若謂異妄分別別有種種相可得者是

計心外有境墮外論也不過因諸妄見和合故以

妄想還說其所妄想而已能妄想者祇是我法二

執相應之第六識所妄想者祇是色心等緣起諸

法若離能所二計則妄想既空緣起亦寂卽爲圓

成實性譬如翳盡花亡卽是精明空矣第十六涅

槃妄想門竟

第十七自覺聖智一乘門三初請問二許宣二

正說 今初

大慧菩薩摩訶薩復白佛言世尊惟願爲說自覺聖

智相及一乘

唐云自證聖智行相及一乘行相

若自覺聖智相及一

乘我及餘菩薩善自覺聖智相及一乘不由於他通

達佛法

唐云我及諸菩薩得此善巧於佛法中不由他悟

二詩宣

佛告大慧諦聽諦聽善思念之當為汝說大慧白佛

言唯然受教

三正說二初說自覺聖智二說一乘今初

佛告大慧前聖所知轉相傳受妄想無性

唐云依諸聖教無有

分別菩薩摩訶薩獨一靜處自覺觀察

唐云觀察自覺不由於

他離見妄想上上昇進入如來地是名自覺聖智相

疏曰此正唯心直進圓頓妙修也妄想者所觀境

也無性者境之諦也空故無性假故無性中故無

性三一一三不可思議故無性也獨一靜處者約

事即是阿蘭若處約理即是絕待妙諦也自覺觀

察者以自覺為所觀察也不由於他者自外無他

也離見妄想者既無他則無自無自無他則無可

分別也此是圓初住位創證自覺聖智之體從此

上上昇進乃超十住十行十迴向十地等覺圓明

入於如來地也

二說一乘二初正釋二釋疑 今初

大慧云何一乘相謂得一乘道覺我說一乘云何得一乘道覺謂攝所攝妄想如實處不生妄想是各一乘覺唐云云何名為知一乘道謂離能取所取分別如實而住大慧一乘覺者非餘外道聲聞緣覺梵天王等之所能得唯除如來以是故說名一乘

疏曰諸法實相本來平等由有能取所取妄想分別遂有六凡四聖差降不同而此十界仍即實相所謂無差而差差即無差者也但唯如來乃能究

盡二乘尚不能知况外道及梵天乎

二釋疑二初問二答 今初

大慧白佛言世尊何故說三乘而不說一乘

二答二初長文二偈頌 初中二初明隱實施

權二明從權入實 今初

佛告大慧不自般涅槃法故唐云聲聞緣覺無不自般涅槃法故不說

一切聲聞緣覺一乘以一切聲聞緣覺如來調伏授

寂靜方便而得解脫非自己力是故不說一乘復次

大慧煩惱障二云智障業習氣不斷故不說一切聲聞緣

覺一乘。不覺法無我不離分段死。魏云未得不可思議變易生。唐云未各不思議變易死。故說三乘。

疏曰。二乘之人。必賴如來說法調伏。不能以自力而入涅槃。又煩惱斷。智障不斷。正使斷業習不斷。所以隱一乘之實而不說也。彼既不覺一切法無我。若非方便說三。則何由離分段生死入變易生死。所以施善誘之權而說三也。問。獨覺何藉如來調伏答。若非四生百劫之前於如來所發辟支心。稟因緣教。何由瓜熟蒂落。觀花飛劍動而悟無生。

耶。問。如來亦於三祇百劫承事諸佛。方證菩提。豈單自力。答。一乘覺者。離攝所攝妄想。了知心佛眾生。三無差別。故雖微塵劫中事微塵佛而無自他。徧計分別。所謂是心作佛。是心是佛。豈同二乘不達藏識妄計心外有佛者耶。

二明從權入實

大慧。彼諸一切起煩惱過習氣斷。及覺法無我。彼一

切起煩惱過習氣斷。三昧樂味著非性。無漏界覺。唐

若彼能除一切過習覺法無我。是時乃離三昧所醉。於無漏界而得覺悟。覺已復入出世

間上上無漏界滿足衆具。唐云修諸功德普使滿足當得如來不思議自在法身。

大疏曰。由法我執起人我執。譬如迷柺方執爲鬼。故以法執爲一切過習也。除其法執覺法無我不復味著偏眞三昧。譬如酒消。故從偏眞無漏界覺復入中道上上無漏界中。稱性修行。普使滿足。乃證究竟法身也。無漏界卽方便有餘土。上上無漏界卽分證常寂光土。亦名實報莊嚴土。滿足衆具。謂四十二位所有功德智慧二種莊嚴。自在法身謂

平等眞如本源佛性也。初長文竟。

二偈頌

爾時世尊欲重宣此義而說偈言。諸天及梵乘聲聞緣覺乘。諸佛如來乘。我說此諸乘。唐云諸乘我所說

疏曰。此頌爲實所施權也。天乘者十善法也。梵乘

者四禪四無量心四無色定也。聲聞乘者生滅四

諦法也。緣覺乘者生滅無生十二因緣法也。諸佛

乘者事六度理六度乃至次第三觀等諸法也。

乃至有心轉。

唐作起

諸乘非究竟。若彼心滅盡無乘及

乘者。無有乘建立。魏云差別。我說爲一乘。

疏曰。此頌破權歸實也。分別永盡。知一切法卽心。

自性。如如之理。不在智外。故無乘。如如之智。不在

理外。故無乘者。十界百界千如。皆是實相。故無有

差別建立。此乃絕待無外之一乘也。

引導衆生。故分別說諸乘。唐云爲攝愚夫。故說諸乘差別。解脫有三

種。及與法無我煩惱智慧等。解脫則遠離。唐云解脫有三種。謂

離諸煩惱。及以法無我平等智解脫。

疏曰。此頌方便說三之意也。若不分別說三。何以

攝引愚夫。故先明權教三解脫門。令離煩惱。又明

法無我平等不思議解脫門。令淨所知也。

譬如海浮木。常隨波浪轉。聲聞愚亦然。相風所飄動。

彼起煩惱滅。餘習煩惱愚。味菴三昧樂。唐云三昧。初辭。安

住無漏界。無有究竟趣。唐云彼非究竟趣。亦復不退還。得諸

三昧身。乃至劫不覺。譬如昏醉人。酒消然後覺。彼覺

法亦然。得佛無上身。唐云聲聞亦如是。覺後當成佛。

疏曰。此正頌從權入實也。第十七自覺聖智一乘

門竟。

楞伽阿跋多羅寶經卷第二義疏下

馮大授上侍慈母王氏圓洪同緣人黃氏普忍共
助刻印資十兩願早生桂子吉壽如意



[Faded vertical text, likely bleed-through from the reverse side of the page]

楞伽阿跋多羅寶經卷第二義疏下

三

子
井
一